

BHANDARKAR ORIENTAL SERIES, NO. 1

# पातिमोक्ख

[ Pāli Text in Devanāgarī Characters containing  
the Bhikkhu-pātimokkha and  
Bhikkhunī-pātimokkha ]

EDITED

BY

**R. D. VADEKAR, M. A.,**

*University Teacher in Pāli,*

Bhandarkar Oriental Research Institute,

Poona (4)

POONA

1939

[ Price Re. 4- ]

BHANDARKAR ORIENTAL SERIES, NO. 1

# पातिमोक्ख

[ Pāli Text in Devanāgarī Characters containing  
the Bhikkhu-pātimokkha and  
Bhikkhunī-pātimokkha ]

EDITED

BY

**R. D. VADEKAR, M. A.,**

*University Teacher in Pālī,*

Bhandarkar Oriental Research Institute,

Poona (4)

POONA

1939

[ Price Re 1 ]

Printed at the Aryabhushan Press, Poona, Peth Bhamburda, H No 915/1  
by Mr Vithal Hari Barve, and Published by Dr R N Dandekar  
for the B O R Institute, Poona 4

[ First Edition, 1000 copies ]

**030189**

For Copies Apply to the  
**Bhandarkar Oriental Research Institute,**  
**Poona (4), India**

## PREFACE

The Pāli Pāṭimokkha, which contains the regulations for the outward life of the Buddhist Monks and Nuns, has been rightly looked upon as the oldest and the most important of the Vinaya texts. It is divided into two parts which very closely resemble each other—in fact several rules are identical in wording—called Bhikkhu Pāṭimokkha and Bhikkunī Pāṭimokkha. The first contains 227 rules and the second 311. They were rehearsed every fortnight in the Buddhist Congregation, and as such were learnt by heart by all members of the fraternity. The Pāṭimokkha has several Sanskrit versions also when the Buddhist Canon was edited in Sanskrit.

The book not being available to the B. A. and M. A. students of Pāli, I have edited it here for their convenience. I had a mind to give a Glossarial Index, which would incorporate extracts from Pāli Commentaries like Kaṅkhāvitaraṇī but as I found that even after doing this, the text would remain obscure unless it was fully annotated—and perhaps translated, I have abandoned the idea for the present. Some time I mean to publish a second part containing an Introduction, Translation and Notes.

Finally I take this opportunity to express my thanks to several friends, who helped me one way or the other in bringing out this edition and present this book to lovers of Buddhism. The readers will please excuse the editor for a few misprints when they allow the editor to submit that the work has been done during the scanty leisure of an extremely heavy-worked life.

Bilvakuṇḍja  
Bhamburda, Poona (4) }  
1-10-1939

— The Editor

# PĀTIMOKKHA



## TABLE OF CONTENTS

I भिक्षुपातिमोक्खो ।		Page
I.	पाराजिका धम्मा ( १-४ )	1-4 १
II.	संघादिसेत्ता धम्मा ( १-१३ )	5-17 २
III.	अनियत्ता धम्मा ( १-२ )	18-19 ५
IV.	निस्सग्गिया पाचित्तिया ( १-३० )	20-49 ६
V.	पाचित्तिया धम्मा ( १-९२ )	50-141 ११
VI.	पाटिद्वेसनिया धम्मा ( १-४ )	142-145 २०
VII.	सेखिया धम्मा ( १-७५ )	146-220 २१
VIII.	अधिकरणसमथा धम्मा ( १-७ )	221-227 २६
II भिक्षुनीपातिमोक्खो ।		
I.	पाराजिका धम्मा ( १-८ )	1-8 २७
II.	संघादिसेत्ता धम्मा ( १-१७ )	9-25 २९
III.	निस्सग्गिया पाचित्तिया ( १-३० )	26-55 ३४
IV.	पाचित्तिया धम्मा ( १-१६६ )	56-221 ३८
V.	पाटिद्वेसनिया धम्मा ( १-८ )	222-229 ५२
VI.	सेखिया धम्मा ( १-७५ )	230-304 ५३
VII.	अधिकरणसमथा ( १-७ )	305-311 ५४
Index	...	...
		५५-५६

[EDITOR'S NOTE: The text has been edited from the Ceylonese and Burmese editions. Oldenberg's edition also has been consulted. B = Burmese; C = Ceylonese.]



## ॥ भिक्खुपातिमोक्खो ॥

नमो तस्म भगवतो अरहतो सम्मासंबुद्धस्स ।

[ निदानं ]

सुणातु मे भंते संघो, अज्जुपोसथो पण्णरसो, यदि संघस्स पत्तकल्लं, संघो उपोसथं करेय्य, पातिमोक्खं उद्दिसेय्य ॥

किं संघस्स पुच्चकिच्चं ? पारिसुद्धिं आयस्मन्तो आरोचेथ, पातिमोक्खं उद्दिस्सामि ॥ तं सञ्चेव सन्ता साधुकं सुणोम मनसि करोम ॥ यस्स सिया आपत्ति सो आविकरेय्य, असन्तिया आपत्तिया तुण्हीभवितब्बं । तुण्हीभावेन खो पनायस्मन्तो<sup>१</sup> परिसुद्धा ति वेदिस्सामि ॥ यथा खो पन पच्चेकपुट्ठस्स वेय्याकरणं होति, एवमेवं एवरूपाय परिसाय यावततियं अनुसावितं होति । यो पन भिक्खु यावततिय अनुस्सावियमाने सरमाणो सन्ति आपत्तिं न आविकरेय्य संपजानमुसावादस्स होति । संपजानमुसावादो खो पनायस्मन्तो अन्तरायिको धम्मो वुत्तो भगवता, तस्मा सरमाणेन भिक्खुना आपन्नेन विसुद्धापेक्खेन सन्ती आपत्ति आविकातब्बा, आविकता हिस्स फासु होति ॥

उद्दिट्ठं खो आयस्मन्तो निदानं । तत्थायस्मन्ते पुच्छामि—कच्चित्थ परिसुद्धा ? दुतियं पि पुच्छामि—कच्चित्थ परिसुद्धा ? ततियं पि पुच्छामि—कच्चित्थ परिसुद्धा ? परिसुद्धायस्मन्तो, तस्मा तुण्ही एवमेतं धारयामि—इति ॥

निदानुद्देशो ॥

[ I. पाराजिका धम्मा 1-4 ]

तत्रिमे<sup>१</sup> चत्तारो पाराजिका धम्मा उद्देशं आगच्छन्ति :—

१. यो पन भिक्खु भिक्खुनं सिक्खासाजीवसमापन्नो सिक्खं अपच्चक्खाय दुब्बल्लयं अनाविकत्वा मेथुनं धम्मं पटिसेवेय्य अन्तमसो तिरच्छानगताय पि पाराजिको होति असंवासो ॥ ( 1 )

२. यो पन भिक्खु गामा वा अरज्जा वा अदिन्नं थेय्यसंस्वातं आदियेय्य, यथारूपे अदिन्नादाने राजानो चोरं गहेत्वा हनेय्युं वा बन्धेय्युं वा पब्बाजेय्युं वा चोरो<sup>२</sup>सि बालो<sup>३</sup>सि मूळहो<sup>४</sup>सि थेनो<sup>५</sup>सी<sup>६</sup>ति तथारूपं भिक्खु अदिन्नं आदियमानो, अयं पि पाराजिको होति असंवासो ॥ ( 2 )

१ आयस्मन्ते B. २ तत्रिमे. B

[ BOS-No. I : पातिमोक्ख : 1 ]

३. यो पन भिक्षु संचिच्च मनुस्सविग्गहं जीविता वोरोपेय्य, सत्थ-  
हारकं वा'स्स परियेसेय्य, मरणवण्णं वा संवण्णेय्य, मरणाय वा समादपेय्य—  
अम्भो पुरिस्स, किं तुग्घिमिना पापकेन दुज्जीवितेन, मतं ते जीविता सेय्यो'ति  
इतिचित्तमनो चित्तसंक्रप्पो अनेकपरियायेन मरणवण्णं वा संवण्णेय्य, मरणाय  
वा समादपेय्य<sup>३</sup>—अयं पि पाराजिको होति असंवासो ॥ ( ३ )

४. यो पन भिक्षु अनाभिजानं उन्नरिमनुस्सधम्मं अत्तूपनायिकं अल-  
मरियञ्जाणदस्सनं समुदाचरेय्य—इति जानामि, इति पस्सामी'ति, ततो अपरेन  
समयेन समनुग्गाहियमानो वा असमनुग्गाहियमानो वा आपन्नो विसुद्धापेक्खो  
एव वदेय्य—अजानं एव आवुसो अवचं जानामि, अपस्सं पस्सामि, तुच्छं  
मुसा विलपि'ति अञ्जत्र अभिमाना' अयं पि पाराजिको होति असंवासो ॥ ( ४ )

उद्दिट्ठा खो आयस्मन्तो चत्तागे पाराजिका धम्मा, येसं भिक्षु अञ्जतरं  
वा" आपज्जित्वा न लभति भिक्षवूहि सद्धि संवासं, यथा पुरे तथा पच्छा  
पाराजिको होति असंवासो ॥

तत्थायस्मन्ते 'पुच्छामि-कच्चित्थ परिसुद्धा ? इतियं पि पुच्छामि-  
कच्चित्थ परिसुद्धा ? ततियं पि पुच्छामि-कच्चित्थ परिसुद्धा ? परिसुद्धेत्थ  
आयस्मन्तो, तस्मा तुण्ही एवमेत धारयामि—इति ॥

पाराजिकधम्मा निट्ठिता ॥ १ ॥

## [ II. संघादिसेसा धम्मा 5-17 ]

इमे खो पनायस्मन्तो तेरस संघादिसेसा धम्मा उद्देसं आगच्छन्ति—

१. संचेतनिका सुक्कविस्सज्जी अञ्जत्र सुपिनन्ता, संघादिसेसो ॥ ( ५ )

२. यो पन भिक्षु ओतिण्णो विपरिणतेन चित्तेन मातुगामेन सद्धिं  
कायसंसग्गं समापज्जेय्य हत्थग्गाहं वा वेणिग्गाहं वा अञ्जतरस्स वा अञ्ज-  
तरस्स वा अंगस्स परामसनं, संघादिसेसो ॥ ( ६ )

३. यो पन भिक्षु ओतिण्णो विपरिणतेन चित्तेन मातुगामं दुट्ठुहाहि  
वाच्चाहि ओभासेय्य, यथा तं युवा युवतिं मेथुनूपसंहिताहि, संघादिसेसो ॥ ( ७ )

४. यो पन भिक्षु ओतिण्णो विपरिणतेन चित्तेन मातुगामस्स संतिके  
अत्तकामपरिचरियाय वण्णं भासेय्य—एतद्गं भागिनि पारिचरियानं या मादिसं

सीलवन्तं कल्याणधम्मं ब्रह्मचारिं एतेन धम्मेन परिचरेय्या<sup>१</sup>ति मेथुनूपसंहितेन,  
संघादिसेसो ॥ (८)

५. यो पन भिक्खु संचरितं समापज्जेय्य इत्थिया<sup>२</sup> वा पुरिसमतिं,  
पुरिसस्स वा इत्थिमतिं जायत्तने वा जारत्तने वा अंतमसो तंखाणिकायपि,  
संघादिसेसो । (९)

६. संयाचिकाय पन कुटि कारयमानेन अस्सामिकं अचुद्देसं पमाणिका  
करेतब्बा । तत्रिदं पमाणं — दीघसो द्वादस विदत्थियो सुगतविदत्थिया तिरियं  
सत्तन्तरा । भिक्खू अभिनेतब्बा वत्थुदेसनाय, तेहि भिक्खूहि वत्थुं देभेतब्बं  
अनारंभं सपरिक्कमनं, सारंभो<sup>३</sup> चे भिक्खु वत्थुस्मि अपरिक्कमने संयाचिकाय  
कुटिं करेय्य, भिक्खू वा अनभिनेय्य वत्थुदेसनाय, पमाण वा अतिक्रामेय्य,  
संघादिसेसो ॥ (१०)

७. महल्लकं पन भिक्खुना विहारं कारयमानेन सस्सामिकं अचुद्देसं  
भिक्खू अभिनेतब्बा वत्थुदेसनाय, तेहि भिक्खूहि वत्थुं देसेतब्बं अनारंभं  
सपरिक्कमनं सारंभो<sup>३</sup> चे भिक्खु वत्थुस्मि अपरिक्कमने महल्लकं विहारं करेय्य  
भिक्खू वा अनभिनेय्य वत्थुदेसनाय, संघादिसेसो ॥ (११)

८. यो पन भिक्खु भिक्खुं डुट्ठो दोसो अप्पतीतो अमूलकेन पारा-  
जिकेन धम्मेन अनुद्धंसेय्य — अप्पेव नाम नं इमस्मा ब्रह्मचरिया चावेय्यं —  
ति ततो अपरेन समयेन समनुग्गाहियमानो वा असमनुग्गाहियमानो वा अमूलकं  
चेव तं अधिकरणं होति, भिक्खु च दोसं पतिट्ठाति, संघादिसेसो ॥ (१२)

९. यो पन भिक्खु भिक्खुं डुट्ठो, दोसो, अप्पतीतो अञ्जभागियस्स  
अधिकरणस्स किञ्चि देसं लेसमत्तं उपादाय पाराजिकेन धम्मेन अनुद्धंसेय्य —  
अप्पेव नाम नं इमस्मा ब्रह्मचरिया चावेय्यं — ति ततो अपरेन समयेन  
समनुग्गाहियमानो वा असमनुग्गाहियमानो वा अञ्जभागियं चेव तं अधिकरणं  
होति देसो लेसमत्तो उपादिन्नो, भिक्खु च दोसं पतिट्ठाति, संघादिसेसो ॥ (१३)

१०. यो पन भिक्खु समग्गस्स संघस्स भेदाय परक्कमेय्य, भेद-  
संवत्तानिकं वा अधिकरणं समादाय पग्गय्ह तिट्ठेय्य, सो भिक्खु भिक्खूहि  
एवमस्स वचनीयो—मा आयस्मा समग्गस्स संघस्स भेदाय परक्कमि, भेददसं-  
वत्तानिकं वा अधिकरणं समादाय पग्गय्ह अट्ठासि, समेता<sup>४</sup>यस्मा संघेन समग्गो



हि संघो संमोदमानो अविवदमानो एकुद्देसो फासु विहरती'ति । एवं च सो भिक्षु भिक्षूहि बुच्चमानो तथेव पग्गण्हेय्य, सो भिक्षु भिक्षूहि यावततियं समनुभासितब्बो तस्स पटिनिस्सग्गाय, यावततियं चे समनुभासियमानो तं पटिनिस्सज्जेय्य इच्चेतं कुसलं, नो चे पटिनिस्सज्जेय्य, संघादिसेसो ॥ (14)

११. तस्सेव खो पन भिक्षुस्स भिक्षू होन्ति अनुवत्तिका वग्गवादका एको वा द्वे वा तयो वा ते एवं वदेय्युं—मा आयस्मन्तो एतं भिक्षुं किञ्चि अवचुत्थ, धम्मवादी चेसो भिक्षु, विनयवादी चेसो भिक्षु, अम्हाकं चेसो भिक्षु छन्दं च रुचि च आदाय वोहरति, जानाति, नो भासति, अम्हाकं चेत्तं खमती' ति, ते भिक्षू भिक्षूहि एवमस्स वचनीया—मा आयस्मन्तो एवं अवचुत्थ, न चेसो भिक्षु धम्मवादी, न चेसो भिक्षु विनयवादी, मा आयस्मन्तानं पि संघभेदो रुचित्थ समेता' यस्मन्तानं सधेन समग्गो हि संघो संमोदमानो अविवदमानो एकुद्देसो फासु विरहती'ती । एवं च ते भिक्षू भिक्षूहि बुच्चमाना तथेव पग्गण्हेय्युं ते भिक्षू भिक्षूहि यावततियं समनुभासितब्बा तस्स पटिनिस्सग्गाय, यावततियं चे समनुभासियमाना तं पटिनिस्सज्जेय्युं इच्चेतं कुसलं, नो चे पटिनिस्सज्जेय्युं, संघादिसेसो ॥ (15)

१२. भिक्षु पनेव दुब्बच्चजातिको होति, उद्देसपरियापन्नेसु सिक्खापदेसु भिक्षूहि सहधम्मिकं बुच्चमानो अत्तानं अवचनीयं करोति — मा मं आयस्मन्तो किञ्चि अवचुत्थ कल्याणं वा पापकं वा, अहं पा'यस्मन्ते न किञ्चि वक्खामि कल्याणं वा पापकं वा, विरमथा'यस्मन्तो मम वचनाया' ति । सो भिक्षु भिक्षूहि एवमस्स वचनीयो — मा आयस्मा अत्तानं अवचनीयं अकासि, वचनीयं चेव आयस्मा अत्तानं करोतु, आयस्मा पि भिक्षु वदेतु सहधम्मेन, भिक्षू पि आयस्मन्तं वक्खन्ति सहधम्मेन, एवं संवद्धा हि तस्स भगवतो परिसा यदिदं अज्जमज्जवचनेन अज्जमज्जवुट्ठपनेनाति—ति । एवं च सो भिक्षु भिक्षूहि बुच्चमानो तथेव पग्गण्हेय्य, सो भिक्षु भिक्षूहि यावततियं समनुभासितब्बो तस्स पटिनिस्सग्गाय, यावततियं च समनुभासियमानो तं पटिनिस्सज्जेय्य इच्चेतं कुसलं, नोचे पटिनिस्सज्जेय्य, संघादिसेसो ॥ (16)

१३. भिक्षु पनेव अज्जतरं गामं वा निगमं वा उपनिस्साय विहरति कुलदूसको पापसमाचारो, तस्स पापका धम्माचारा दिस्सन्ति चेव सुय्यन्ति च' कुलानि च तेन दुट्ठानि दिस्सन्ति चेव सुय्यन्ति च । सो भिक्षु भिक्षूहि एवमस्स

वचनीयो — आयस्मा खो कुलदूसको पापसमाचारो, आयस्मतो खो पापका समाचारा दिस्सन्ति चेव सुय्यन्ति च, कुलानि चायस्मता दुट्ठानि दिस्सन्ति चेव सुय्यन्ति च, पक्कमता यस्मा इमम्हा आवासा, अलं ते इधावासेना'ति । एवं चे सो भिक्खु भिक्खूहि वुच्चमानो ते भिक्खू एवं वदेय्य — छन्दगामिनो च भिक्खु-द्रोसगामिनो च भिक्खू, मोहगामिनो च भिक्खू, भयगामिनो च भिक्खू, तादिसिकाय आपत्तिया एकच्चं पट्वाजेन्ति, एकच्चं न पट्वाजेन्ती'ति । सो भिक्खु भिक्खूहि एवमस्स वचनीयो—मा आयस्मा एवं अवच, नच भिक्खू छन्दगामिनो, नच भिक्खू द्रोसगामिनो, नच भिक्खू मोहगामिनो, नच भिक्खू भयगामिनो, आयस्मा खो कुलदूसको पापसमाचारो, आयस्मतो खो पापसमाचारा दिस्सन्ति चेव सुय्यन्ति च, कुलानि चायस्मता दुट्ठानि दिस्सन्ति चेव सुय्यन्ति च, पक्कमता' यस्मा इमम्हा आवासा, अलं ते इधावासेना'ति । एवं च सो भिक्खु भिक्खूहि यावततियं समनुभासितब्बो तस्स पटिनिस्सग्गाय यावततियं चे समनुभासियमानो तं पटिनिस्सज्जेय्य इच्चेतं कुसलं, नो चे पटिनिस्सज्जेय्य, संघादिसेसो ॥ ( 17 )

उद्दिट्ठा खो आयस्मन्तो तेरस्स संघादिसेसा धम्मा । नव पठमापत्तिका, चत्तारो यावततियका येसं भिक्खू अञ्जतरं वा अञ्जतरं वा आपज्जित्वा यावतिहं जानं पटिच्छादेति तावतिहं तेन भिक्खुना अकामा परिवत्थब्बं परिवुत्थपरिवासेन भिक्खुना उत्तरिं छारत्तं भिक्खुमानत्ताय पटिपज्जितब्बं । चिण्णमानतो भिक्खु यत्थ सिया वीसतिगणो भिक्खुसंघो, तत्थ सो भिक्खु अब्भेतब्बो, एकेन पि चे ऊनो वीसतिगणो भिक्खुसंघो तं भिक्खुं अब्भेय्य मो च भिक्खु अनब्भितो, तेच भिक्खू गारय्हा, अयं तत्थ सामीची ॥

तत्थायस्मन्ते पुच्छामि—कच्चित्थ परिसुद्धा ? डुतियं पि पुच्छामि — कच्चित्थ परिसुद्धा ? ततियं पि पुच्छामि — कच्चित्थ परिसुद्धा ? परिसुद्धे-त्थायस्मन्तो, तस्मा तुण्ही एवमेतं धारयामि—इति ॥

संघादिसेसा धम्मा निट्ठिता ॥ ३ ॥

[ III. अनियता धम्मा 18-19 ]

इमे खो पनायस्मन्तो द्वे अनियता धम्मा उद्देसं आगच्छन्ति—

१. यो पन भिक्खु मातुगामेन सद्धि एकाय रहो पटिच्छन्ने आसने अलंक्कमानिये निसज्जं कप्पेय्य तमेनं सद्धेय्यवचसा उपासिका दिस्वा तिण्णं धम्मनं अञ्जतरेन वदेय्य पाराजिकेन वा संघादिसेसेन वा पाचित्तियेन वा, निसज्जं भिक्खु पटिजानमानो तिण्णं धम्मनं अञ्जतरेन कारेतब्बो पाराजिकेन

वा संघादिसेसेन वा पाच्चित्तियेन वा, येन वा सा सद्देय्यवचसा उपासिका वदेय्य तेन सो भिक्षु कारेतब्बो — अयं धम्मो अनियतो ॥ (18)

२. न हेव खो पन पटिच्छन्नं आसनं होति नालंक्रमनियं, अलं च खो होति मातुगामं डुटुल्लाहि ओभासितुं, यो पन भिक्षु तथारूपे आसने मातुगामेन सद्धिं एको एकारहो निसज्ज कप्पेय्य, तमेनं सद्देय्यवचसा उपासिका दिस्वा द्विन्नं धम्मानं अञ्जतरेन वदेय्य संघादिसेसेन पाच्चित्तियेन वा, निसज्जं भिक्षु पटिजानमानो द्विन्नं धम्मानं अञ्जतरेन कारेतब्बो संघादिसेसेन वा पाच्चित्तियेन वा, येन वा सा सद्देय्यवचसा उपासिका वदेय्य तेन सो भिक्षु कारेतब्बो । — अयं पि धम्मो अनियतो ॥ (19)

उद्धिट्ठा खो पनायस्मन्तो द्वे अनियता धम्मा । तत्थायस्मन्तो पुच्छामि— कच्चित्थ परिसुद्धा ? दुतियं पि पुच्छामि—कच्चित्थ परिसुद्धा ? ततियं पि पुच्छामि—कच्चित्थ परिसुद्धा ? परिसुद्धेत्थ आयस्मन्तो तस्मा तुण्ही एवमेतं धारयामि—इति ॥

अनियतुद्देशो निट्ठितो ॥ ३ ॥

#### [ IV निस्सगिगया पाच्चित्तिया धम्मा 20-49 ]

इमे खो पनायस्मन्तो तिस निस्सगिगया पाच्चित्तिया धम्मा उद्देशं आगच्छन्ति—

१. निट्ठितचीवरस्मिं पन भिक्षुना उब्भतस्मि कठिने दसाहपरमं अतिरेकचीवरं धारेतब्बं, तं अतिक्रामयतो निस्सगिगयं पाच्चित्तियं ॥ (20)

२. निट्ठितचीवरस्मिं पन भिक्षुना उब्भतस्मि कठिने एकरत्तिं पि चे भिक्षु तिचीवरेन विप्पवसेय्य अञ्जत्र भिक्षुसम्मृतिया, निस्सगिगयं पाच्चित्तियं ॥ (21)

३. निट्ठितचीवरस्मिं पन भिक्षुना उब्भतस्मि कठिने भिक्षुनो पनेव अकालचीवर उप्पज्जेय्य, आकंखमानेन भिक्षुना परिगहेतब्बं, पटिगहेत्वा खिप्पमेव कारेतब्बं, नो चस्स पारिपूरि, मासपरमं तेन भिक्षुना तं चीवरं निक्खिपितब्बं ऊनस्स पारिपूरिया सतिया पच्चासाय, ततो चे उत्तरिं निक्खिपेय्य सतिया पि पच्चासाय, निस्सगिगयं पाच्चित्तियं ॥ (22)

४. यो पन भिक्षु अञ्जातिकाय भिक्षुनिया पुराणचीवरं धोवापेय्य वा रजापेय्य वा आकोटापेय्य वा, निस्सगिगयं पाच्चित्तियं ॥ (23)

५. यो पन भिक्खु अञ्जातिकाय भिक्खुनिया हत्थतो चीवरं पतिगण्हेय्य अञ्जत्र पारिवट्टका, निस्सग्गिय पाचिच्चिय ॥ (24)

६. यो पन भिक्खु अञ्जातकं गहयति वा गहपतानि वा चीवरं विञ्जापेय्य अञ्जत्र समया निस्सग्गियं पाचिच्चिय । तत्रायं समयो—अच्छिन्नचीवरो वा होति भिक्खु नट्टुचीवरो वा—अयं तत्थ समयो ॥ (25)

७. तं चे अञ्जातको गहपति वा गहपतानी वा बहूहि चीवरेहि अभिहट्ठं पवाग्गेय्य सन्तरुत्तरपरम तेन भिक्खुना ततो चीवर सादितब्बं, ततो चे उन्नतिं सादिग्गेय्य, निस्सग्गियं पाचिच्चियं ॥ (26)

८. भिक्खुं पनेव उद्दिस्स अञ्जातकस्स गहपतिस्स वा गहपतानिया वा चीवरचेतापन उपक्कमटं होति—इमिना चीवरचेतापनेन चीवरं चेतापेत्वा इत्थं नामं भिक्खुं चीवरेन अच्छादेस्सामा'ति, तत्र चे सो भिक्खु पुब्बे अप्पवारितो उपसंक्रमित्वा चीवरे विकप्पं आपज्जेय्य—साधु बत मं आयस्मा इमिना चीवरचेतापनेन एवरूपं वा एवरूपं वा चीवरं चेतापेत्वा अच्छादेही'ति कल्याणकम्यतं उपादाय, निस्सग्गियं पाचिच्चियं ॥ (27)

९. भिक्खुं पनेव उद्दिस्स उभिन्नं अञ्जातकानं गहपतीनं वा गहपतानीनं वा पञ्चेकचीवरचेतापन्ना उपक्कमटा होन्ति—इमेहि मयं पञ्चेकचीवरचेतापनेहि पञ्चेकचीवरानि चेतापेत्वा इत्थं नामं भिक्खुं चीवरेहि अच्छादेस्सामा'ति, तत्र चे सो भिक्खु पुब्बे अप्पवारितो उपसंक्रमित्वा चीवरे विकप्पं आपज्जेय्य—साधु बत मं आयस्मन्तो इमेहि पञ्चेकचीवरचेतापनेहि एवरूपं वा एवरूपं वा चीवरं चेतापेत्वा अच्छादेय उभो व सन्ता एकेना'ति कल्याणकम्यतं उपादाय निस्सग्गियं पाचिच्चियं ॥ (28)

१०. भिक्खुं पनेव निस्सार्य राजा वा राजभोग्गो वा ब्राह्मणो वा गहपतिको वा दूतेन चीवरचेतापनं पहिणेय्य—इमिना चीवरचेतापनेन चीवरं चेतापेत्वा इत्थं नामं भिक्खुं चीवरेन अच्छादेही'ति । सो चे दूतो तं भिक्खुं उपसंक्रमित्वा एवं वदेय्य—इदं खो भन्ते आयस्मन्तं उद्दिस्स चीवरचेतापनं आहतं पतिगणहातु आयस्मा चीवरचेतापनं'ति । तेन भिक्खुना सो दूतो एवमस्स वचनीयो—न खो मयं आवुसो चीवरचेतापनं पतिगणहाम, चीवरं च खो मयं पतिगणहाम कालेन कप्पियं'ति । सो चे दूतो तं भिक्खु एवं वदेय्य—

अत्थि पनायस्मतो कोचि वेय्यावच्चकरो'ति । चीवरत्थिकेन भिक्षवे भिक्षुना वेय्यावच्चकरो निद्विसितट्ठो आरामिको वा उपासको वा --- एसो खो आवुसो भिक्षुं वेय्यावच्चकरो'नि । सो चे दूतो तं वेय्यावच्चकरं दूतं पञ्जापेत्वा तं भिक्षुं उपसकमित्वा एवं वदेय्य — यं खो भंते आयस्मा वेय्यावच्चकरं निद्विसि, संयत्तो सो मया, उपसंकमतु आयस्मा कालेन चीवरेन तं अच्छादेस्स-ती'ति । चीवरत्थिकेन भिक्षुना वेय्यावच्चकरो उपसंकमित्वा द्वित्तिकस्वत्तु चोदे-तब्बो सारेतब्बो — अत्थो मे आवुसो चीवरेना'ति द्वित्तिकस्वत्तु<sup>१</sup> चोदयमानो सारयमानो चीवरं अभिनिप्फादेय्य इच्चेतं कुसलं, नो चे अभिनिप्फादेय्य चतुक्खत्तुं पञ्चक्खत्तुं छक्खत्तुपरमं<sup>२</sup> तुण्हीभूतेन उद्दिस्स ठातब्बं, चतुक्खत्तुं पञ्चक्खत्तुं छक्खत्तुपरमं तुण्हीभूतो उद्दिस्स तिठ्ठमानो तं चीवरं अभिनिप्फादेय्य इच्चेतं कुसलं नो चे अभिनिप्फादेय्य, ततो चे उत्तारिं वायममानो तं चीवरं अभिनिप्फादेय्य, निस्सगियं पाचित्तियं । नो चे अभिनिप्फादेय्य यत'स्स चीवर-चेतापनं आभतं तत्थ सामं वा गन्तब्बं, दूतो वा पाहेतब्बो — यं खो तुम्हे आयस्मन्तो भिक्षु उद्दिस्स चीवरचेतापनं पहिणित्थ न तं तस्स भिक्षुनो किञ्चि अत्थं अनुभोति युञ्जता' यस्मन्तो सकं मा वो सकं विनस्सा'ति । अयं तत्थ सामीची ॥ (२९)

### [ चीवरवग्गो पठमो । ]

११. यो पन भिक्षु कोसियमिस्सकं संथतं कारापेय्य निस्सगियं पाचित्तियं ॥ (३०)

१२. यो पन भिक्षु सुद्धकाळकानं एळकलोमानं संथतं कारापेय्य निस्सगियं पाचित्तियं ॥ (३१)

१३. नवं पन भिक्षुना संथतं कारयमानेन द्वे भागा सुद्धकाळकानं एळकलोमानं आदातब्बा, ततियं ओदातकं चतुत्थं गोचरियानं । अनादा चे भिक्षु द्वे भागे सुद्धकाळकानं एळकलोमानं ततियं ओदातानं, चतुत्थं गोचरियानं नवं संथतं कारापेय्य, निस्सगियं पाचित्तियं ॥ (३२)

१४. नवं पन भिक्षुना संथतं कारापेत्वा छब्बस्सानि धारेतब्बं । ओरेन चे भिक्षु छन्नं वस्सानं तं संथतं विस्सज्जेत्वा वा अविस्सज्जेत्वा वा अञ्जं नवं संथतं कारापेय्य अञ्जत्र भिक्षुसंमतिया, निस्सगियं पाचित्तियं ॥ (३३)

१५. निसीद्दनसंथतं पन भिक्खुना कारयमानेन पुराणसंथतस्स, सामन्ता सुगतविदत्थि आदातब्बा दुब्बण्णकरणाय । अनादा चे भिक्खु पुराणसंथतस्स सामन्ता सुगतविदत्थि नवं निसीद्दनसंथतं कारापेय्य, निस्सग्गियं पाच्चित्थियं ॥ (34)

१६. भिक्खुनो पनेव अद्धानमग्गपटिपन्नस्स एळकलोमानि उप्पज्जेय्युं, आकंसमानेन भिक्खुना पटिग्गहेतब्बानि, पटिग्गहेत्वा तियोजनपरम सहत्था हरितब्बानि असन्ते हारके, ततो चे उत्तरि हरेय्य असन्ते पि हारके, निस्सग्गियं पाच्चित्थियं ॥ (35)

१७. यो पन भिक्खु अज्जातिकाय भिक्खुनिया एळकलोमानि धोवापेय्य वा रजापेय्य वा विजटापेय्य वा, निस्सग्गियं पाच्चित्थियं ॥ (36)

१८. यो पन भिक्खु जातरूपरजत उग्गण्हेय्य वा, उग्गण्हापेय्य वा उपनिक्खित्तं वा सादियेय्य, निस्सग्गियं पाच्चित्थियं ॥ (37)

१९. यो पन भिक्खु नानप्पकारक रूपियसंवोहारं समापज्जेय्य निस्सग्गियं पाच्चित्थियं ॥ (38)

२०. यो पन भिक्खु नानप्पकारक कयविक्रयं समापज्जेय्य, निस्सग्गियं पाच्चित्थियं ॥ (39)

[ एळकलोमवग्गो द्धुत्तियो । ]

२१. दसाहपरमं अतिरेकपत्तो धारेतब्बो, तं अतिक्कामयतो निस्सग्गियं पाच्चित्थियं ॥ (40)

२२. यो पन भिक्खु ऊनपच्चवन्धनेन पत्तेन अज्जं नवं पत्तं चेतापेय्य, निस्सग्गियं पाच्चित्थियं । तेन भिक्खुना सो पत्तो भिक्खुपरिसाय निस्सज्जितब्बो, यो च तस्स भिक्खुपरिसाय पत्तपरियन्तो सो तस्स भिक्खुनो पदातब्बो—अयं ते भिक्खु पत्तो याव भेदनाय धारेतब्बो—ति अयं तत्थ सामीच्चि ॥ (41)

२३. यानि खो पन तानि गिलानानं भिक्खुनं पटिसायनीयानि मेसज्जानि, सेय्यथीदं—सप्पि, नवनीतं, तेलं, मधु, फाणितं, तानि पटिग्गहेत्वा सत्ताहपरमं संनिधिकारकं परिभुज्जितब्बानि, तं अतिक्कामयतो निस्सग्गियं पाच्चित्थियं ॥ (42)

२४. मासो सेसो गिम्हानं ' ति भिक्खुना वस्सिकसाटिकचीवरं परिये-सितब्बं, अद्धमासो सेसो गिम्हानं ' ति कत्वा निवासेतब्बं, ओरेन चे मासो सेसो

[ BOS-No I पातिमोक्क 2 ]

गिम्हानं ' ति वस्सिकसाटिकचीवरं परियेसेय्य, ओरेनद्धमासो सेसो गिम्हानं ' ति कत्वा निवासेय्य, निस्सगियं पाचित्तियं ॥ (43)

२५. यो पन भिक्षु भिक्षुस्स सामं चीवरं दत्वा पच्छा कुपितो अनत्तमनो अच्छिन्देय्य वा अच्छिन्दापेय्य वा, निस्सगियं पाचित्तियं ॥ (44)

२६. यो पन भिक्षु साम सुत्तं विज्जापेत्वा तन्तवायेहि चीवरं वायापेय्य, निस्सगियं पाचित्तियं ॥ (45)

२७. भिक्षुं पनेव उद्दिस्स अज्जातको गहपति गहपतानी वा तन्तवायेहि चीवरं वायापेय्य, तत्र चे सो पुब्बे अप्पवारितो तन्तवाये उपसंकमत्वा चीवरे विकप्पं आपज्जेय्य—इदं खो आनुसो चीवरं मं उद्दिस्स वीयति<sup>१२</sup> आयतं च करोथ वित्थतं च अप्पितं च सुवीतं च सुप्पवायितं च सुविलेखितं च सुवितच्छित्तं च करोथ, अप्पेव नाम मयं पि आयस्मन्तानं किञ्चिमत्तं अनुपदज्जेय्यामा ' ति — एवं च सो भिक्षु वत्वा किञ्चिमत्तं अनुपदज्जेय्य अन्तमसो पिण्डपातमत्तं पि, निस्सगियं पाचित्तियं ॥ (46)

२८. दसाहानागतं कत्तिक-तेमासिपुण्णमं भिक्षुनो पनेव अच्चे-कचीवरं उप्पज्जेय्य, अच्चेकं मज्झमानेन भिक्षुना पटिग्गहेतब्बं, पटिग्गहेत्वा याव चीवरकालसमयं निक्खिपितब्बं, ततो चे उत्तरिं निक्खिपेय्य, निस्सगियं पाचित्तियं ॥ (47)

२९. उपवस्सं खो पन कत्तिकपुण्णमं यानि खो पन तानि आर-ज्जकानि सेनासनानि सासंकसंमतानि सप्पाटिभयानि, तथारूपेसु भिक्षु सेनासनेसु विहरन्तो आकंखमानो तिण्णं चीवरानं अज्जतरं चीवरं अन्तरघरे निक्खिपेय्य, सिया च तस्स भिक्षुनो कोचिदेव पच्चयो तेन चीवरेन विप्पवा-साय छारत्तपरमं तेन भिक्षुना विप्पवसितब्बं, ततो चे उत्तरिं विप्पवसेय्य अज्जत्र भिक्षुसंमुत्तिया, निस्सगियं पाचित्तियं ॥ (48)

३०. यो पन भिक्षु जानं सधिकं लाभं परिणतं अत्तनो परिणामेय्य, निस्सगियं पाचित्तियं ॥ (49)

[ पत्तवग्गो तत्तियो । ]

उद्दिट्ठो खो पना'यस्मन्तो तिस निस्सग्गिया पाचित्तिया धम्मा । तत्रा' यस्मन्ते पुच्छामि-कच्चित्थ परिसुद्धा ? दुतियं पि पुच्छामि-कच्चित्थ परिसुद्धा ? ततियं पि पुच्छामि-कच्चित्थ परिसुद्धा ? परिसुद्धेत्था' यस्मन्तो, तस्मा तुण्ही एवमेतं धारयामि-इति ॥

निस्सग्गिया पाचित्तिया निद्रिता ॥ ३ ॥

इमे खो पना' यस्मन्तो द्वेनवुति पाचित्तिया धम्मा उद्देस आगच्छन्ति-

- १ संपजानमुसावादे पाचित्तियं ॥ (50)
- २ ओमसवादे पाचित्तियं ॥ (51)
- ३ भिक्खुपेसुञ्जे पाचित्तियं ॥ (52)
४. यो पन भिक्खु अनुपसपन्नं पदसो धम्मं वाचेय्य पाचित्तियं ॥ (53)
५. यो पन भिक्खु अनुपसम्पन्नेन उत्तरिं द्विरत्ततिरत्तं सह सेय्यं कप्पेय्य, पाचित्तियं ॥ (54)
- ६ यो पन भिक्खु मातुगामेन सहसेय्यं कप्पेय्य, पाचित्तियं ॥ (55)
७. यो पन भिक्खु मातुगामस्स उत्तरिं छप्पञ्चवाचाभि धम्मं देसेय्य अञ्जत्र विञ्जुना पुरिसविग्गहेन, पाचित्तियं ॥ (56)
८. यो पन भिक्खु अनुपसंपन्नस्स उत्तरिमनुस्सधम्मं आरोचेय्य, भूतस्मिं पाचित्तियं ॥ (57)
९. यो पन भिक्खु भिक्खुस्स डुट्ठुलं आपत्तिं अनुपसंपन्नस्स आरोचेय्य अञ्जत्र भिक्खुसंमुत्तिया, पाचित्तियं ॥ (58)
१०. यो पन भिक्खु पथविं खणेय्य वा खणापेय्य वा, पाचित्तियं ॥ (59)

[ मुसावाद्दग्गो पठमो । ]

११. भूतगामपातव्यताय पाचित्तियं ॥ (60)
१२. अञ्जवाद्दके पाचित्तियं ॥ (61)
१३. उज्झापनके खीयनके पाचित्तियं ॥ (62)

परिच्छया ॥ ०३०१८९

शास्त्र १९२५ ई. ११११



१४ यो पन भिक्षु संधिकं मञ्च वा पीठं वा भिसि वा कोच्छ वा अज्झोकासे संथरित्वा वा संथरापेत्वा वा तं पक्कमन्तो नेव उद्धरेय्य न उद्धरापेय्य, अनापुच्छं वा गच्छेय्य, पाचित्तियं ॥ (63)

१५ यो पन भिक्षु संधिके विहारे सेय्यं संथरित्वा वा संथरापेत्वा वा तं पक्कमन्तो नेव उद्धरेय्य, न उद्धरापेय्य, अनापुच्छं वा गच्छेय्य, पाचित्तियं ॥ (64)

१६. यो पन भिक्षु संधिके विहारे जानं पुब्बपगतं भिक्षुं अनुपसज्ज सेय्यं कप्पेय्य—यस्स संवाधो भविस्सति, सो पक्कमिस्सती'ति एतदेव पच्चयं करित्वा अनञ्जं, पाचित्तियं ॥ (65)

१७. यो पन भिक्षु भिक्षुं कुपितो अनत्तमनो संधिका विहारा निकड्ढेय्य वा, निकड्ढापेय्य वा, पाचित्तियं ॥ (66)

१८. यो पन भिक्षु संधिके विहारे उपरिवेहासकुटिया आहच्चपादकं मञ्चं वा पीठं वा सहसा अभिनिसीदेय्य वा अभिनिपज्जेय्य वा, पाचित्तियं ॥ (67)

१९. महल्लकं पन भिक्षुना विहारं कारयमानेन याव द्वारकोसा अगलट्ठपनाय आलोकसन्धिपरिकम्माय द्वित्तिच्छदनस्स परियायं अप्पहरिते ठितेन अधिटातब्बं, ततो चे उत्तरिं अप्पहरिते पि ठितो अधिट्ठेय्य पाचित्तियं ॥ (68)

२०. यो पन भिक्षु जानं सप्पाणकं उदकं तिण वा मात्तिकं वा सिञ्चेय्य सिंचापेय्य वा, पाचित्तियं ॥ (69)

[ भूतगामवग्गो दुतियो । ]

२१. यो पन भिक्षु असंमतो भिक्षुनियो ओवदेय्य, पाचित्तियं ॥ (70)

२२. संमतो पि चे भिक्षु अत्थंगते सुरिये भिक्षुनियो ओवदेय्य, पाचित्तियं ॥ (71)

२३. यो पन भिक्षु भिक्षुनुपस्सयं उपसंकमित्वा भिक्षुनियो ओवदेय्य अञ्जत्र समया, पाचित्तियं ॥ तत्थायं समयो—गिलाना होति भिक्षुनी, अयं तत्थ समयो ॥ (72)

२४ यो पन भिक्षु एवं वदेय्य — आमिसहेतु भिक्षू भिक्षुनियो ओवदन्ती'ति पाचित्तियं ॥ (73)

२५. यो पन भिक्खु अञ्जातिकाय भिक्खुनिया चीवरं ददेय्य  
अञ्जत्र पारिवट्टका, पाचित्तियं ॥ (74)

२६. यो पन भिक्खु अञ्जातिकाय भिक्खुनिया चीवरं सिब्बेय्य वा  
सिब्बापेय्य, वा, पाचित्तियं ॥ (75)

२७. यो पन भिक्खु भिक्खुनिया सद्धिं संविधाय एकद्धानमग्गं  
पटिपज्जेय्य अन्तमसो गामन्तरं पि अञ्जत्रे समया, पाचित्तियं ॥ तत्थायं  
समयो—सत्थगमनीयो होति मग्गो सासंकसम्मतो सप्पटिभयो, अयं तत्थ  
समयो ॥ (76)

२८. यो पन भिक्खु भिक्खुनिया सद्धिं संविधाय एकं नावं अभिरूहेय्य  
उद्धगामिनिं वा अधोगामिनि वा अञ्जत्र तिरियं तरणाय, पाचित्तियं ॥ (77)

२९. यो पन भिक्खु जानं भिक्खुनीपरिपाचित्तं पिण्डपातं भुज्जेय्य  
अञ्जत्र पुब्बे गिहिसमारंभा, पाचित्तियं ॥ (78)

३०. यो पन भिक्खु भिक्खुनिया सद्धिं एको एकाय रहो निपज्जं  
कप्पेय्य पाचित्तियं ॥ (79)

### [ भिक्खुनोवाद्दग्गो तत्तिथो । ]

३१. आगिलानेन भिक्खुना एको आवसथपिण्डो भुंजितब्बो, ततो चे  
उत्तरिं भुंजेय्य पाचित्तियं ॥ (80)

३२. गणभोजने अञ्जत्र समया, पाचित्तियं ॥ तत्रायं समयो —  
गिलानसमयो, चीवरदानसमयो, चीवरकारसमयो, अद्धानगमनसमयो, नावाभि-  
रूहनसमयो, महासमयो, समणभत्तसमयो, अयं तत्थ समयो ॥ (81)

३३. परंपरभोजने अञ्जत्र समया, पाचित्तियं ॥ तत्रायं समयो-  
गिलानसमयो, चीवरदानसमयो, चीवरकारसमयो—अयं तत्थ समयो ॥ (82)

३४. भिक्खुं पनेव कुलं उपगतं पूवेहि वा मन्थेहि वा अभिहट्ठुं  
पवारेय्य, आकंस्वमानेन भिक्खुना द्वित्तिपत्रपूरा पहिग्गहेतब्बा, ततो चे उत्तरिं  
पटिगणहेय्य पाचित्तियं ॥ द्वित्तिपत्तपूरे पटिगहेतब्बा ततो नीहरित्वा भिक्खुहि  
सद्धिं संविभजितब्बं, अयं तत्थ सामीची ' ति ॥ (83)

३५. यो पन भिक्खु भुत्तावी पवारितो अनतिरिक्तं स्वादानियं वा  
भोजनियं वा स्वादेय्य वा भुंजेय्य वा, पाचित्तियं ॥ (84)

३६. यो पन भिक्षु भिक्षुं भुत्तावि पवारितं अनतिरित्तेन खादनियेन वा भोजनियेन वा अभिहट्ठु पवारेय्य—हन्द भिक्षु खाद वा भुञ्ज वा ' ति जानं आसादनापेक्खो, भुत्तस्मि पाचित्तियं ॥ (85)

३७. यो पन भिक्षु विकाले खादनियं वा भोजनियं वा खादेय्य वा भुञ्जेय्य वा पाचित्तियं ॥ (86)

३८. यो पन भिक्षु संनिधिकारकं खादनियं वा भोजनियं वा खादेय्य वा भुञ्जेय्य वा, पाचित्तियं ॥ (87)

३९. यानि पन तानि पणीतभोजनानि सेय्यथीदं -- दधि नवनीतं तेलं मधु फाणितं मच्छो मसं खीरं दधि, यो पन भिक्षु एवरूपानि पणीत-भोजनानि अगिलानो अत्तनो अत्थाय विञ्जापेत्वा भुञ्जेय्य, पाचित्तियं ॥ (88)

४०. यो पन भिक्षु अदिन्नं मुखद्वारं आहारं आहरेय्य, अञ्जत्र उदकदन्तपोना, पाचित्तियं ॥ (89)

### [ भोजनवग्गो चतुत्थो । ]

४१. यो पन भिक्षु अचेलकस्स वा परिब्बाजकस्स वा परिब्बाजिकाय वा सहत्था खादनियं वा भोजनियं वा ददेय्य, पाचित्तियं ॥ (90)

४२. यो पन भिक्षु भिक्षुं एवं वदेय्य — एहा' वुसो गामं वा निगमं वा पिण्डाय चारिस्सामा<sup>१३</sup> 'ति, तस्स दापेत्वा वा अदापेत्वा वा उय्योजेय्य — गच्छा'वुसो न मे तया सद्धिं कथा वा निसज्जा वा फासु होति, एककस्स मे कथा वा निसज्जा वा फासु होती'ति एतदेव पच्चयं करित्वा अनञ्जं पाचित्तियं ॥ (91)

४३. यो पन भिक्षु सभोजने कुले अनुपखज्ज निसज्जं कप्पेय्य, पाचित्तियं ॥ (92)

४४. यो पन भिक्षु मातुगामेन सद्धिं रहो पटिच्छन्ने आसने निसज्जं कप्पेय्य, पाचित्तियं ॥ (93)

४५. यो पन भिक्षु मातुगामेन सद्धिं एको एकाय निसज्जं कप्पेय्य, पाचित्तियं ॥ (94)

४६. यो पन भिक्षु निमन्तितो सभत्तो समानो सन्तं भिक्षुं अना-पुच्छा पुरेमत्त वा पच्छाभत्तं वा कुलेसु चारितं आपजेय्य अञ्जत्र समया,

१३ पविस्सिस्साम्मा ' ति B.

पाचित्तियं ॥ तत्थायं समयो—चीवरदानसमयो, चीवरकारसमयो—अयं तत्थ समयो ॥ (95)

४७. अगिलानेन भिक्खुना चातुमासपच्चयपवारणा सादितब्बा अञ्जत्र पुनपवारणाय । तच्चो चे उत्तरिं सादियेय्य पाचित्तियं ॥ (96)

४८. यो पन भिक्खु उय्युत्तं सेनं दस्सनाय गच्छेय्य अञ्जत्र तथा-रूपपच्चया पाचित्तियं ॥ (97)

४९. सिया च तस्स भिक्खुनो कोचिदेव पच्चयो सेनं गमनाय, दिरत्ततिरत्तं तेन भिक्खुना सेनायं वसितब्ब ततो चे उत्तरिं वसेय्य, पाचित्तियं ॥ (98)

५०. दिरत्ततिरत्तं चे भिक्खु सेनाय वसमानो उय्योधिकं वा बल्लगं वा सेनाब्यूहं वा अनीकदस्सनं वा गच्छेय्य, पाचित्तियं ॥ (99)

### [ अचेलकवग्गा पञ्चमो । ]

५१. सुरामेरयपाने पाचित्तियं ॥ (100)

५२. अंगुलिपतोदके पाचित्तियं ॥ (101)

५३. उदके हस्सधम्मे पाचित्तियं ॥ (102)

५४. अनादारिये पाचित्तियं ॥ (103)

५५. यो पन भिक्खु भिक्खुं भिंसापेय्य, पाचित्तियं ॥ (104)

५६. यो पन भिक्खु अगिलानो विसीवनापेक्खो जोतिं समादहेय्य वा समादहापेय्य वा अञ्जत्र तथारूपपच्चया, पाचित्तियं ॥ (105)

५७. यो पन भिक्खु ओरेनद्धमासं नहायेय्य अञ्जत्र समया, पाचित्तियं । तत्रायं समयो—दियड्ढो मासो सेसो गिम्हानं'ति वस्सानस्स पठमो मासो इच्चेते अड्ढतेय्यमासा उण्हसमयो परिळाहसमयो गिलानसमयो कम्मसमयो अद्धानगमनसमयो वातवुट्टिसमयो — अयं तत्थ समयो ॥ (106)

५८. नवं पन भिक्खुना चीवरलाभेन तिण्णं दुब्बण्णकरणानं अञ्जतरं दुब्बण्णकरणं आदातब्बं नीलं वा कड्ढं वा काळसामं वा । अनादा चे भिक्खु तिण्णं दुब्बण्णकरणानं अञ्जतरं दुब्बण्णकरणं नवं चीवरं परिभुजेय्य पाचित्तियं ॥ (107)

५९. यो पन भिक्षु भिक्षुस्स वा भिक्षुनिया वा सिक्खमानाय वा सामणेस्स वा सामणेरिया वा सामं चीवरं विकप्पेत्वा अपञ्चुद्धारक परिभुञ्जेय्य, पाचित्तियं ॥ ( 108 )

६०. यो पन भिक्षु भिक्षुस्स पत्तं वा चीवरं वा निसीदनं वा सूचिघरं वा कायबन्धनं वा अपनिधेय्य वा अपनिधापेय्य वा अन्तमसो हस्सा- पेक्खो पि, पाचित्तियं ॥ ( 109 )

[ सुरापानवग्गो छट्ठो । ]

६१. यो पन भिक्षु संचिच्च पाणं जीविता वोरपेय्य, पाचित्तियं ॥ ( 110 )

६२. यो पन भिक्षु जानं सप्पाणकं उदक परिभुञ्जेय्य, पाचित्तियं ॥ ( 111 )

६३. यो पन भिक्षु जानं यथाधम्मं निहिताधिकरणं पुनकम्माय उक्कोटेय्य, पाचित्तियं ॥ ( 112 )

६४. यो पन भिक्षु भिक्षुस्स जानं डुट्ठं आपत्तिं पटिच्छादेय्य, पाचित्तियं ॥ ( 113 )

६५. यो पन भिक्षु जानं ऊनवीसतिवस्सं पुग्गलं उपसंपादेय्य, सो च पुग्गलो अनुपसंपन्नो, ते च भिक्षू गारय्हा - इदं तस्मिं पाचित्तियं ॥ ( 114 )

६६. यो पन भिक्षु जानं थेय्यसत्थेन सद्धिं संविधाय एकद्धानमगं पटिपज्जेय्य अन्तमसो गामन्तरं पि, पाचित्तियं ॥ ( 115 )

६७. यो पन भिक्षु मातुगामेन सद्धिं संविधाय एकद्धानमगं पटिपज्जेय्य अन्तमसो गामन्तरं पि, पाचित्तियं ॥ ( 116 )

६८. यो पन भिक्षु एवं वदेय्य - तथा'हं भगवता धम्मं देसितं आजानामि यथा येमे अन्तरायिका धम्मा वुत्ता भगवता, ते पटिसेवतो नालं अन्तराया'ति सो भिक्षु भिक्षूहि एवमस्स वचनीयो-मा आयस्मा एवमवच, मा भगवन्तं अब्भाचिक्खि, नहि साधु भगवतो अब्भक्खानं, नहि भगवा एवं वदेय्य, अनेकपरियायेन आवुसो अन्तरायिका धम्मा अन्तरायिका वुत्ता भगवता, अलं च पन ते पटिसेवतो अन्तरायाया'ति । एवं च सो भिक्षु भिक्षूहि

बुद्धमानो तत्थेव पग्गणहेय्य, सो भिक्खु भिक्खूहि यावततियं समनुभासितब्बो तस्स पटिनिस्सग्गाय । यावततियं चे समनुभासियमानो तं पटिनिस्सज्जेय्य इच्चेतं कुसलं, नो चे पटिनिस्सज्जेय्य, पाचित्तिय ॥ (117)

६९. यो पन भिक्खु जानं तथावादिना भिक्खुना अकतानुधम्मेन तं दिट्ठिं अप्पटिनिस्सट्ठेन सद्धिं संभुज्जेय्य वा सवासेय्य वा सह वा सेय्यं कप्पेय्य, पाचित्तियं ॥ (118)

७०. समणुद्देशो पि चे एवं वदेय्य—तथाहं भगवता धम्मं देसितं आजानामि यथा ये'मे अंतरायिका धम्मा बुत्ता भगवता ते परिसेवतो नालं अन्तरायाया'ति । सो समणुद्देशो भिक्खूहि एवमस्स वचनीयो—मा आवुसो समणुद्देश एवं अवच, मा भगवन्तं अब्भाचिक्खि, नहि साधु भगवतो अब्भक्खान, नहि भगवा एवं वदेय्य, अनेकपरियायेन आवुसो समणुद्देश अन्तरायिका धम्मा अन्तरायिका बुत्ता भगवता, अलं च पन ते पटिसेवतो अन्तरायाया'ति । एवं च सो समणुद्देशो भिक्खूहि यावततियं बुद्धमानो तथेव पग्गणहेय्य, सो समणुद्देशो भिक्खूहि एवमस्स वचनीयो—अज्जतग्गे ते आवुसो समणुद्देश न चेव सो भगवा सत्था अपदिसितब्बो, यं पि च'ञ्जे समणुद्देशा लभन्ति भिक्खूहि सद्धिं दिरत्ततिरत्तं सहसेय्यं, सा पि ते नत्थि, चर परे विनस्सा' ति ॥

यो पन भिक्खु जानं तथा नासितं समणुद्देशं उपलापेय्य वा उपट्ठापेय्य वा संभुज्जेय्य वा सह वा सेय्यं कप्पेय्य, पाचित्तियं ॥ (119)

### [ सप्पाणकवग्गो सत्तमो । ]

७१. यो पन भिक्खु भिक्खूहि सहधम्मिकं बुद्धमानो एवं वदेय्य—न तावा'हं आवुसो एतस्मिं सिक्खापदे सिक्खिस्सामि याव न अञ्जं भिक्खुं व्यत्तं विनयधरं परिपुच्छामी'ति, पाचित्तियं ॥ सिक्खमानेन भिक्खवे भिक्खुना अञ्जातब्बं परिपुच्छित्तब्बं परिपञ्चित्तब्बं, अयं तत्थ सामीचि ॥ (120)

७२. यो पन भिक्खु पातिमोक्खे उद्दिस्समाने एवं वदेय्य—किं पनि'मेहि सुद्धानुसुद्धकेहि सिक्खापदेहि उद्दिट्ठेहि यावदेव कुक्कुच्चाय विहेसाय विलेसाय संवत्तन्ती'ति सिक्खापदविद्यणके पाचित्तियं ॥ (121)

७३. यो पन भिक्खु अन्वद्धमासं पातिमोक्खे उद्दिस्समाने एवं वदेय्य—इदानी'व खो आवुसो अहं आजानामि अयं पि किर धम्मो सुत्तागता

सुत्तपरियापन्नो अन्वद्धमासं उद्देसं आगच्छती'ति । तं चे भिक्षुं भिक्षुं  
जानेय्यु निसिन्नपुब्बं इमिना भिक्षुना द्वित्तिकसत्तुं पातिमोक्खे उद्दिस्समाने  
को पन वादो भिय्यो'ति । नच तस्स भिक्षुनो अञ्जाणकेन मुत्ति अत्थि,  
यंच ताय आपत्तिं आपन्नो यथाधम्मो कारेतब्बो । उत्तरिं च'स्स मोहो आरोपे-  
तब्बो-तस्स ते आवुसो अलाभा, तस ते दुल्लद्धं यं तुवं पातिमोक्खे उद्दिस्स-  
माने न साधुकं अत्थिकत्वा मनसिकरोसी'ति, इदं तस्मि मोहनके पाचित्तियं ॥

( 122 )

७४. यो पन भिक्षु भिक्षुस्स कुपितो अनत्तमनो पहारं ददेय्य,  
पाचित्तियं ॥

( 123 )

७५. यो पन भिक्षु भिक्षुस्स कुपितो अनत्तमनो तलसत्तिकं  
उगिरेय्य, पाचित्तियं ॥

( 124 )

७६. यो पन भिक्षु भिक्षुं अमूलकेन संघादिसेसेन अनुद्धंसेय्य,  
पाचित्तियं ॥

( 125 )

७७. यो पन भिक्षु भिक्षुस्स संचिच्च कुक्कुच्चं उपदहेय्य — इति'स्स  
मुहुत्तं पि अफासु भविस्सती'ति एतदेव पच्चयं करित्वा अनञ्जं, पाचित्तियं ॥

( 126 )

७८. यो पन भिक्षु भिक्षुनं भण्डनजातानं कलहजातानं विवादा-  
पन्नानं उपस्सुतिं तिट्ठेय्य — यं इमे भणिस्सन्ति तं सोस्सामी'ति एतदेव पच्चयं  
करित्वा, अनञ्जं पाचित्तियं ॥

( 127 )

७९. यो पन भिक्षु धम्मिकानं कम्मानं छन्दं दत्वा पच्छा खीयन-  
धम्मं आपज्जेय्य, पाचित्तियं ॥

( 128 )

८०. यो पन भिक्षु संघे विनिच्छयकथाय वत्तमानाय छन्दं अदत्त्वा  
उट्ठायासना पक्कमेय्य, पाचित्तियं ॥

( 129 )

८१. यो पन भिक्षु समग्गेन संघेन चीवरं दत्वा पच्छा खीयनधम्मं  
आपज्जेय्य यथासंथतं<sup>१४</sup> भिक्षुं संधिकं लाभं परिणामेन्ती'ति, पाचित्तियं ॥ ( 130 )

८२. यो पन भिक्षु जानं संधिकं लाभं परिणतं पुगलस्स परिणामेय्य,  
पाचित्तियं ॥

( 131 )

[ सहधम्मिकवग्गो अट्ठमो । ]

८३. यो पन भिक्खु रुञ्जो खत्तियस्स मुद्धावसित्तस्य अनिक्खन्तराजके अनिग्गतरतनके पुब्बे अप्पटिसंविदितो इन्द्रखीलं अतिकमेय्य, पाचिच्चियं ॥ ( 132 )

८४. यो पन भिक्खु रतनं वा रतनसंमतं वा अञ्जत्र अज्झारामा वा अज्झावसथा वा उग्गणहेय्य वा उग्गणहापेय्य वा, पाचिच्चियं ॥ रतनं वा पन भिक्खुना रतनसंमतं वा अज्झारामे वा अज्झावसथे वा उग्गहेत्वा वा उग्गणहापेत्वा वा निक्खिपितब्बं यस्स भविस्सति सो हरिस्सती'ति, अयं तत्थ सामीचि ॥ ( 133 )

८५. यो पन भिक्खु सन्तं भिक्खुं अनापुच्छा विकाले गामं पविसेय्य अञ्जत्र तथारूपा अच्चायिका करणीया, पाचिच्चियं ॥ ( 134 )

८६. यो पन भिक्खु अट्टिमयं वा दन्तमयं वा विसाणमयं वा सूचिधरं कारापेय्य, छेदनकं पाचिच्चियं ॥ ( 135 )

८७. नवं पन भिक्खुना मञ्चं वा पीठं वा कारयमानेन अटुंगुलपादकं कारेतब्बं सुगतांगुलेन अञ्जत्र हेट्टिमाय अटनिया, तं अतिक्रामयतो छेदनकं पाचिच्चियं ॥ ( 136 )

८८. यो पन भिक्खु मञ्च वा पीठं वा तूलोनद्धं कारापेय्य, उद्दालनकं पाचिच्चियं ॥ ( 137 )

८९. निसीदनं पन भिक्खुना कारयमानेन पमाणकं कारेतब्बं, तत्रिदं पमाणं — दीघसो द्वे विदत्थियो सुगतविदत्थिया । तिरियं दियड्डं दसा विदत्थि, तं अतिक्रामयतो छेदनकं पाचिच्चियं ॥ ( 138 )

९०. कण्डुपटिच्छादनिं पन भिक्खुना कारयमानेन पमाणिका कारेतब्बा, तत्रिदं पमाणं—दीघसो चतस्सो विदत्थियो सुगतविदत्थिया, तिरियं द्वे विदत्थियो, तं अतिक्रामयतो छेदनकं, पाचिच्चियं ॥ ( 139 )

९१. वस्सिकसाटिकं पन भिक्खुना कारयमानेन पमाणिका कारेतब्बा, तत्रिदं पमाणं—दीघसो छ विदत्थियो सुगतविदत्थिया, तिरियं अड्डुतेय्या, तं अतिक्रामयतो छेदनकं पाचिच्चियं ॥ ( 140 )

९२. यो पन भिक्खु सुगतचीवरप्पमाणं चीवरं कारापेय्य अतिरेकं वा, छेदनकं पाचिच्चियं ॥ तत्रिदं सुगतस्स सुगतचीवरप्पमाणं दीघसो नव विदत्थियो सुगतविदत्थिया, तिरियं छ विदत्थियो, इदं सुगतस्स सुगतचीवरप्पमाणं ॥ ( 141 )

[ रतनवग्गो नवमो । ]



उद्दिट्ठा खो आयस्मन्तो द्वेनवुति ( १२ ) पाचित्तिथा धम्मा, तत्थायस्मन्ते पुच्छामि—कच्चित्थ परिसुद्धा ? दुतियं पि पुच्छामि—कच्चित्थ परिसुद्धा । ततियं पि पुच्छामि—कच्चित्थ परिसुद्धा ? परिसुद्धेत्था'यस्मन्तो; तस्मा तूण्ही एवमेतं धारयामि—इति ॥

पाचित्तिथा धम्मा निट्ठिता ॥

### [ VI. पाटिदेसनिया धम्मा । ]

इमे खो पना'यस्मन्तो चत्तारो पाटिदेसनिया धम्मा उद्देसं आगच्छन्ति—

१. यो पन भिक्षु अञ्जातिकाय भिक्षुनिया अन्तरघरं पविट्ठाय हत्थतो खादनियं वा भोजनियं वा सहत्था पटिग्गहेत्वा खादेय्य वा भुजेय्य वा पटिदेसेतब्बं तेन भिक्षुना—गारय्हं धम्मं आपज्जि असप्पायं पाटिदेसनियं, तं पटिदेसेमि—इति ॥ ( 142 )

२. भिक्षु पनेव कुलेसु निमंतिता भुञ्जन्ति । तत्र च सा भिक्षुनी वोसासमानरूपा ठिता होति — इध सूपं देथ, इध ओदनं देथा'ति, तेहि भिक्षूहि सा भिक्षुनी अपसादेतब्बा — अपसक्क ताव भगिनी याव भिक्षु भुञ्जन्ती'ति । एकस्स पि चे भिक्षुनो न पटिभासेय्य तं भिक्षुनि अपसादेतुं—अपसक्क ताव भगिनि याव भिक्षु भुञ्जन्ती'ति, पटिदेसेतब्बं तेहि भिक्षूहि—गारय्हं आवुसो धम्मं आपज्जिम्हा असप्पायं पाटिदेसनियं, तं पटिदेसामा'ति ॥ ( 143 )

३. यानि खो पन तानि सेखसंमतानि कुलानि यो पन भिक्षु तथा रूपेसु सेखसंमतेसु कुलेसु पुब्बे अनिमन्तितो अगिलानो खादनियं वा भोजनियं वा सहत्था पटिग्गहेत्वा खादेय्य वा भुजेय्य वा पटिदेसेतब्बं तेन भिक्षुना — गारय्हं आवुसो धम्मं आपज्जि असप्पायं पाटिदेसनियं तं पटिदेसेमि—इति ॥ ( 144 )

४. यानि खो पन तानि आरञ्जकानि सेनासनानि सासंकसमतानि सप्पटिभयानि यो पन भिक्षु तथारूपेसु सेनासनेसु विहरन्तो पुब्बे अप्पटि-विदितं खादनियं वा भोजनियं वा अञ्जारामे सहत्था पटिग्गहेत्वा अगिलानो खादेय्य वा भुजेय्य वा पटिदेसेतब्बं तेन भिक्षुना — गारय्हं आवुसो धम्मं आपज्जि असप्पायं पाटिदेसनियं, तं पटिदेसेमि—इति ॥ ( 145 )

उद्दिट्ठा खो आयस्मन्तो चत्तारो पाटिदेसनिया धम्मा । तत्था'यस्मन्ते पुच्छामि — कच्चित्थ परिसुद्धा ? दुतियं पि पुच्छामि — कच्चित्थ परिसुद्धा ?

ततियं पि पुच्छामि — कच्चित्थ परिसुद्धा ? परिसुद्धेत्था'यस्मन्तो, तस्मा तुम्ही  
एवमेतं धारयामि — इति ॥

पाटिदेसनिया धम्मा निट्ठिता ॥

### [ VII. सेखिया धम्मा । ]

इमे खो पना'यस्मन्तो सेखिया धम्मा उद्देसमागच्छन्ति —

१. परिमण्डलं निवासेस्सामी'ति सिक्खा करणीया ॥ ( 146 )
२. परिमण्डलं पारुपिस्सामी'ति सिक्खा करणीया ॥ ( 147 )
३. सुपटिच्छन्नो अन्तरघरे गमिस्सामी'ति सिक्खा करणीया ॥ ( 148 )
४. सुपटिच्छन्नो अन्तरघरे निसीदिस्सामी'ति सिक्खा करणीया ॥ ( 149 )
५. सुसंवृतो अन्तरघरे गमिस्सामी'ति सिक्खा करणीया ॥ ( 150 )
६. सुसंवृतो अन्तरघरे निसीदिस्सामी'ति सिक्खा करणीया ॥ ( 151 )
७. ओक्खित्तचक्खु अन्तरघरे गमिस्सामी'ति सिक्खा करणीया ॥ ( 152 )
८. ओक्खित्तचक्खु अन्तरघरे निसीदिस्सामी'ति सिक्खा करणीया ॥ ( 153 )
९. न उक्खित्तकाय अन्तरघरे गमिस्सामी'ति सिक्खा करणीया ॥ ( 154 )
१०. न उक्खित्तकाय अन्तरघरे निसीदिस्सामी'ति सिक्खा करणीया ॥ ( 155 )

### [ परिमण्डलवग्गो पठमो । ]

११. न उज्जग्घिकाय अन्तरघरे गमिस्सामी'ति सिक्खा करणीया । ( 156 )
१२. न उज्जग्घिकाय अन्तरघरे निसीदिस्सामी'ति सिक्खा करणीया ॥ ( 157 )
१३. अप्पसद्दो अन्तरघरे गमिस्सामी'ति सिक्खा करणीया ॥ ( 158 )
१४. अप्पसद्दो अन्तरघरे निसीदिस्सामी'ति सिक्खा करणीया ॥ ( 159 )
१५. न कायप्पचालकं अन्तरघरे गमिस्सामी'ति सिक्खा करणीया ॥ ( 160 )
१६. न कायप्पचालकं अन्तरघरे निसीदिस्सामी'ति सिक्खा करणीया ॥ ( 161 )

१७. न बाहुप्पचालकं अन्तरघरे गमिस्सामी'ति सिक्खा करणीया ॥  
( 162 )

१८. न बाहुप्पचालकं अन्तरघरे निसीदिस्सामी'ति सिक्खा करणीया ॥  
( 163 )

१९. न सीसप्पचालकं अन्तरघरे गमिस्सामी'ति सिक्खा करणीया ॥  
( 164 )

२०. न सीसप्पचालकं अन्तरघरे निसीदिस्सामी'ति सिक्खा करणीया ॥  
( 165 )

[ उज्जग्घिकवग्गो दुतियो । ]

२१. न खम्भकतो अन्तरघरे गमिस्सामी'ति सिक्खा करणीया ॥  
( 166 )

२२. न खम्भकतो अन्तरघरे निसीदिस्सामी'ति सिक्खा करणीया ॥  
( 167 )

२३. न ओगुण्ठितो अन्तरघरे गमिस्सामी'ति सिक्खा करणीया ॥  
( 168 )

२४. न ओगुण्ठितो अन्तरघरे निसीदिस्सामी'ति सिक्खा करणीया ॥  
( 169 )

२५. न उक्कुटिकाय अन्तरघरे गमिस्सामी'ति सिक्खा करणीया ॥  
( 170 )

२६. न पल्लत्थिकाय अन्तरघरे निसीदिस्सामी'ति सिक्खा करणीया ॥  
( 171 )

२७. सक्कच्चं पिण्डपातं पटिग्गहेस्सामी'ति सिक्खा करणीया ॥ ( 172 )

२८. पत्तसञ्जी पिण्डपातं पटिग्गहेस्सामी'ति सिक्खा करणीया ॥ ( 173 )

२९. समसूपकं पिण्डपातं पटिग्गहेस्सामी'ति सिक्खा करणीया ॥  
( 174 )

३०. समातित्थिकं पिण्डपातं पटिग्गहेस्सामी'ति सिक्खा करणीया ॥  
( 175 )

[ न-खम्भकवग्गो ततियो । ]

३१. सक्कच्चं पिण्डपातं भुज्जिस्सामी'ति सिक्खा करणीया ॥ ( 176 )

३२. पत्तसञ्जी पिण्डपातं भुज्जिस्सामी'ति सिक्खा करणीया ॥ ( 177 )

३३. सपदानं पिण्डपातं भुञ्जिस्सामी'ति सिक्खा करणीया ॥ (178)
३४. समसूपकं पिण्डपातं भुञ्जिस्सामी'ति सिक्खा करणीया ॥ (179)
३५. न थूपतो ओमद्वित्वा पिण्डपातं भुञ्जिस्सामी'ति सिक्खा करणीया ॥ (180)
३६. न सूपं वा व्यजनं वा ओदनेन पटिच्छादेस्सामी'ति भिद्यो-  
कम्यतं उपादाया'ति सिक्खा करणीया ॥ (181)
३७. न सूपं वा ओदनं वा अगिलानो अत्तनो अत्थाय विञ्जापेत्वा  
भुञ्जिस्सामी'ति सिक्खा करणीया ॥ (182)
३८. न उज्झानसञ्जी परेसं पत्तं ओलोकेस्सामी'ति सिक्खा  
करणीया ॥ (183)
३९. ना'तिमहन्तं कबळं करिस्सामी'ति सिक्खा करणीया ॥ (184)
४०. परिमण्डलं आलोपं करिस्सामी'ति सिक्खा करणीया ॥ (185)
- [ सककच्चवग्गो चतुत्थो । ]
४१. न अनाहते कबळे मुखद्वारं विवरिस्सामी'ति सिक्खा करणीया ॥  
(186)
४२. न भुञ्जमानो सब्बं हत्थं मुखे पक्खिप्पिस्सामी'ति सिक्खा करणीया ॥  
(187)
४३. न सकबळेन मुखेन व्याहरिस्सामी'ति सिक्खा करणीया ॥  
(188)
४४. न पिण्डुक्खेपं भुञ्जिस्सामी'ति सिक्खा करणीया ॥ (189)
४५. न कबळावच्छेदकं भुञ्जिस्सामी'ति सिक्खा करणीया ॥ (190)
४६. न अवगण्डकारकं भुञ्जिस्सामी'ति सिक्खा करणीया ॥ (191)
४७. न हत्थनिद्धुनकं भुञ्जिस्सामी'ति सिक्खा करणीया ॥ (192)
४८. न सित्थावकारकं भुञ्जिस्सामी'ति सिक्खा करणीया ॥ (193)
४९. न जिह्वानिच्छारकं भुञ्जिस्सामी'ति सिक्खा करणीया ॥ (194)
५०. न चपुचपुकारकं भुञ्जिस्सामी'ति सिक्खा करणीया ॥ (195)

[ पञ्चमो वग्गो । ]

५१. न सुरुसुरुकारकं भुञ्जिस्सामी'ति सिक्खा करणीया ॥ (196)

५२. न हत्थनिष्ठेहकं भुञ्जिस्सामी'ति सिक्खा करणीया ॥ ( 197 )
५३. न पत्तनिष्ठेहकं भुञ्जिस्सामी'ति सिक्खा करणीया ॥ ( 198 )
५४. न ओट्टुनिष्ठेहकं भुञ्जिस्सामी'ति सिक्खा करणीया ॥ ( 199 )
५५. न सामिसेन हत्थेन पानियथालकं पटिग्गहेस्सामी'ति सिक्खा करणीया ॥ ( 200 )
५६. न ससित्थकं पत्तधोवनं अन्तरघरे छट्ठेस्सामी'ति सिक्खा करणीया ॥ ( 201 )
५७. न छत्तपाणिस्स अगिलानस्स धम्मं देसिस्सामी'ति सिक्खा करणीया ॥ ( 202 )
५८. न दण्डपाणिस्स अगिलानस्स धम्मं देसिस्सामी'ति सिक्खा करणीया ॥ ( 203 )
५९. न सत्थपाणिस्स अगिलानस्स धम्मं देसिस्सामी'ति सिक्खा करणीया ॥ ( 204 )
६०. न आयुधपाणिस्स अगिलानस्स धम्मं देसिस्सामी'ति सिक्खा करणीया ॥ ( 205 )

## [ छट्ठो वग्गो । ]

६१. न पाडुकारूळहस्स अगिलानस्स धम्मं देसिस्सामी'ति सिक्खा करणीया ॥ ( 206 )
६२. न उपाहनारूळहस्स अगिलानस्स धम्मं देसिस्सामी'ति सिक्खा करणीया ॥ ( 207 )
६३. न यानगतस्स अगिलानस्स धम्मं देसिस्सामी'ति सिक्खा करणीया ॥ ( 208 )
६४. न सयनगतस्स अगिलानस्स धम्मं देसिस्सामी'ति सिक्खा करणीया ॥ ( 209 )
६५. न पल्लत्थिकाय निसिन्नस्स अगिलानस्स धम्मं देसिस्सामी'ति सिक्खा करणीया ॥ ( 210 )
६६. न वेदितसीसस्स अगिलानस्स धम्मं देसिस्सामी'ति सिक्खा करणीया ॥ ( 211 )

६७. न ओगुण्ठितसीसस्स अगिलानस्स धम्मं देसिस्सामी'ति सिक्खा करणीया ॥ (212)

६८. न छमाय निसीदित्वा आसने निसिन्नस्स अगिलानस्स धम्मं देसिस्सामी'ति सिक्खा करणीया ॥ (213)

६९. न नीचे आसने निसीदित्वा उच्चे आसने निसिन्नस्स अगिलानस्स धम्मं देसिस्सामी'ति सिक्खा करणीया ॥ (214)

७०. न ठितो निसिन्नस्स अगिलानस्स धम्मं देसिस्सामी'ति सिक्खा करणीया ॥ (215)

७१. न पच्छतो गच्छतो पुरतो गच्छन्तस्स अगिलानस्स धम्मं देसिस्सामी'ति सिक्खा करणीया ॥ (216)

७२. न उप्पथेन गच्छन्तो पथेन गच्छन्तस्स अगिलानस्स धम्मं देसिस्सामी'ति सिक्खा करणीया ॥ (217)

७३. न ठितो अगिलानो उच्चारं वा पस्सावं वा करिस्सामी'ति सिक्खा करणीया ॥ (218)

७४. न हरिते अगिलानो उच्चारं वा पस्सावं वा खेळं वा करिस्सामी'ति सिक्खा करणीया ॥ (219)

७५. न उदके अगिलानो उच्चारं वा पस्सावं वा खेळं वा करिस्सामी'ति सिक्खा करणीया ॥ (220)

[ सत्तमो वग्गो ॥ ]

उद्दिट्ठा खो पनायस्मन्तो<sup>१५</sup> सेखिया धम्मा । तत्था'यस्मन्ते पुच्छामि — कच्चित्थ परिसुद्धा ? दुतियं पि पुच्छामि—कच्चित्थ परिसुद्धा ? ततियं पि पुच्छामि—कच्चित्थ परिसुद्धा ? परिसुद्धेत्था'यस्मन्तो, तस्मा तुण्ही एवमेतं धारयामि—इति ॥

सेखिया धम्मा निट्ठिता ॥

१५. B adds पचसत्तानि after this.

## [ VIII. अधिकरणसमथा धम्मा । ]

इमे खो पना'यस्मन्तो सत्त अधिकरणसमथा धम्मा उद्देसं आगच्छन्ति—

उप्पत्तुपन्नानं अधिकरणानं समथाय दूपसमाय संमुखाविनयो ( 221 ) दातब्बो, सतिविनयो ( 222 ) दातब्बो, अमूळहविनयो ( 223 ) दातब्बो, पाटिउज्जाय ( 224 ) कारेतब्बो, येभुय्यसिका ( 225 ), तस्सपापिय्यसिका ( 226 ), तिणवत्थारको ( 227 ) ति ।

उद्दिट्ठा खो आयस्मन्तो सत्त अधिकरणसमथा धम्मा । तत्था'यस्मन्ते पुच्छामि — कच्चित्थ परिसुद्धा ? दुतियं पि पुच्छामि — कच्चित्थ परिसुद्धा ? ततियं पि पुच्छामि—कच्चित्थ परिसुद्धा ? परिसुद्धेत्था'यस्मन्तो, तस्मा तुण्ही एवमेतं धारयामि—इति ।

अधिकरणसमथा निट्ठिता ।

उद्दिट्ठं खो आयस्मन्तो निदानं, उद्दिट्ठा चत्तारो पाराजिका धम्मा ( 1 ), उद्दिट्ठा तेरस संघादिसेसा धम्मा ( 2 ), उद्दिट्ठा द्वे अनियता धम्मा ( 3 ), उद्दिट्ठा तिसं निस्सगिया पाचित्तिया धम्मा ( 4 ), उद्दिट्ठा द्वेनवुति पाचित्तिया धम्मा ( 5 ), उद्दिट्ठा चत्तारो पाटिदेसनिया धम्मा ( 6 ), उद्दिट्ठा सेखिया धम्मा ( 7 ), उद्दिट्ठा सत्त अधिकरणसमथा धम्मा ( 8 ), एत्तकं तस्स भगवतो सुत्ता गतं सुत्तपरियापन्नं अन्वद्धमासं उद्देसं आगच्छति । तत्थ सब्बेहे'व समग्गेहि संमोदमानेहि अविवदमानेहि सिक्खितव्वं इति ॥

भिक्षुपातिमोक्खो निट्ठितो ।

## भिक्षुनीपातिमोक्खो ।



सुणातु मे अय्ये संघो, अज्जुपोसथो पण्णरसो यदि संघस्स पत्तकल्लं-  
संघो उपोसथं करेय्य, पातिमोक्खं उद्दिसेय्य । किं संघस्स पुब्बकिच्चं? परिसुद्धिं  
अय्यायो आरोचेथ पातिमोक्खं उद्दिस्सामि । तं सब्बेव सन्ता साधुकं सुणोम  
मनसिकरोम । यस्सा सिया आपत्ति सा आविकरेय्य । असन्तिया आपत्तिया  
तुण्ही भवितब्बं, तुण्हीभावेन खो पन'य्यायो परिसुद्धा'ति वेदिस्सामि । यथा  
खो पन पच्चेकपुट्टस्स वेय्याकरणं होति, एवमेव एवरूपाय परिसाय यावततियं  
अनुसावितं होति । या पन भिक्षुनी यावततियं अनुसावियमाना सरमान,  
सन्ति आपत्ति ना'विकरेय्य, संपजानमुसावाद'स्सा होति, संपजानमुसावादो खो  
पन'य्यायो अन्तरायिको धम्मो वुत्तो भगवता । तस्मा सरमानाय भिक्षुनिय  
आपन्नाय विसुद्धापेक्खाय सन्ती आपत्ति आविकातब्बा, आविकता हि'स्स  
साधु होति ॥

उद्दिट्ठं खो अय्यायो निदानं, तत्थ'य्यायो पुच्छामि—कच्चित्थ परिसुद्धा ?  
दुतियं पि पुच्छामि—कच्चित्थ परिसुद्धा ? ततियं पि पुच्छामि—कच्चित्थ  
परिसुद्धा ? परिसुद्धे'त्थ'य्यायो, तस्मा तुण्ही एवमेतं धारयामी'ति ।

निदानुद्देशो ।

### [ I. पाराजिका धम्मा । 1-8 ]

तत्रि'मे अट्ठ पाराजिकधम्मा उद्देसं आगच्छन्ति—

१. या पन भिक्षुनी छन्दसो मेथुनं धम्मं पटिसेवेय्य अन्तमसो  
तिरच्छानगताय पि, पाराजिका होति असंवासा ॥ (1)

२. या पन भिक्षुनी गामा वा अरञ्जा वा अदिन्नं थेय्यसंस्वातं  
आदियेय्य यथारूपे अदिन्नादाने राजानो चोरिं गहेत्वा हनेय्युं वा बन्धेय्युं वा  
पब्बाजेय्युं वा चोरा'सि बाला'सि मूळहा'सी'ति तथारूपं भिक्षुनी अदिन्नं  
आदियमाना, अयं पि पाराजिका होति असंवासा ॥ (2)

३. या पन भिक्षुनी संचिच्च मनुस्सविग्गहं जीविता वीरोपेय्य,  
सत्थहारकं वा'स्स परिसेयेय्य, मरणवण्णं वा संभासेय्य, मरणाय वा समादपेय्य



— अम्मो पुरिस किं तुय्हि'मिना पापकेन दुज्जीवितेन? मतं ते जीविता सेय्यं'ति इतिचित्तमना चित्तसंकप्पा अनेकपरियायेन मरणवण्णं वा संवण्णेय्य, मरणाय वा समादयेय्य, अयं पि पाराजिका होति असंवासा ॥ (३)

४. या पन भिक्षुनी अनभिजानं उत्तरिमनुस्सधम्मं अतूपनायिकं अलमरियिजाणदस्सनं समुदाचरेय्य — इति जानामि, इति पस्सामी'ति ततो अपरेन समयेन समनुग्गाहियमाना वा असमनुग्गाहियमाना वा आपन्ना विसुद्धा-पेक्खा एवं वदेय्य—अजानमेवं अय्ये अवचं—जानामि, अपस्सं पस्सामि, तुच्छं मुसा विलापि'ति अज्झत्र अधिमाना, अयं पि पाराजिका होति असंवासा ॥ (४)

५. या पन भिक्षुनी अवस्सुता अवस्सुतस्स पुरिसपुग्गलस्स अधकक्खं उब्भजानुमण्डल आमसनं वा परामसनं वा गहणं वा छुपनं वा पतिपीळनं वा सादियेय्य, अयं पि पाराजिका होति असंवासा ॥ (५)

६. या पन भिक्षुनी जानं पाराजिकं धम्मं अज्झापन्नं भिक्षुनिं नेव'त्तना पटिचोदेय्य, न गणस्स आरोचेय्य, यदा च सा ठिता अस्स चुता वा नासिता वा अवसटा वा, सा एवं वदेय्य — पुब्बे'वा'हं अय्ये अज्झासिं एतं भिक्षुनिं—एवरूपा च एवरूपा च सा भगिनी' ति । नो च खो अत्तना पटि-चोदेस्सं न गणस्स आरोचेस्सं' ति, अयं पि पाराजिका होति असंवासा वज्जपटिच्छादिका ॥ (६)

७. या पन भिक्षुनी समग्गेन संघेन उक्खित्तं भिक्षुं धम्मेन विनयेन सत्थुसासनेन अनादरियं अप्पटिकारं अकतसहायं तमनुवत्तेय्य, सा भिक्षुनीहि एवमस्स वचनीया—एसो खो अय्ये भिक्षु समग्गेन संघेन उक्खित्तो धम्मेन विनयेन सत्थुसासनेन अनादरियं अप्पटिकारो अकतसहायो, मा'य्ये एतं भिक्षुं अनुवत्ताही'ति एवं च सा भिक्षुनी भिक्षुनीहि वुच्चमाना तत्थेव पग्गणहेय्य, सा भिक्षुनी भिक्षुनीहि यावततियं समनुभासितब्बा तस्स पटिनिस्सग्गाय, यावततियं चे समनुभासियमाना तं पटिनिस्सज्जेय्य इच्चेतं कुसलं, नो चे पटि-निस्सज्जेय्य, अयं पि पाराजिका होति असंवासा उक्खित्तानुवत्तिका ॥ (७)

८. या पन भिक्षुनी अवस्सुता अवस्सुतस्स पुरिसपुग्गलस्स हत्थ-गहणं वा सादियेय्य, संघाटिकण्णगहणं वा सादियेय्य, संतिट्ठेय्य वा सल्लपेय्य वा संकेतं वा गच्छेय्य पुरिसस्स वा अब्भागमनं सादियेय्य, छत्रं वा अनुपवि-सेय्य, कायं वा तदत्थाय उपसंहरेय्य एतस्स असज्झम्मस्स पटिसेवनत्थाय—अयं पि पाराजिका होति असंवासा अट्ठवत्थुका ॥ (८)

उद्दिट्ठा खो अय्यायो अट्ट पाराजिका धम्मा येसं भिक्खुनी अञ्जतरं वा अञ्जतरं वा आपज्जन्ती न लभति भिक्खुनीहि सद्धिं संवासं यथा पुरे तथा पच्छा पाराजिका होति असंवासा ॥

तत्थ'य्यायो पुच्छामि — कच्चित्थ परिसुद्धा ? दुतियं पि पुच्छामि — कच्चित्थ परिसुद्धा ? ततियं पि पुच्छामि — कच्चित्थ परिसुद्धा ? परिसुद्धे-  
त्था'य्यायो, तस्मा तुण्ही एवमेतं धारयामी'ति ॥

पाराजिकुद्देशो ।

## [ II. संघादिसेसा धम्मा । 9-25 ]

इमे खो पन'य्यायो सत्तरस संघादिसेसा धम्मा उद्देशं आगच्छन्ति—

१. या पन भिक्खुनी उस्सयवादिका विहरेय्य गहपतिना वा गहपति-  
पुत्तेन वा दासेन वा कम्मकरेन वा अन्तमसो समणपरिब्बाजकेना'पि अयं पि-  
भिक्खुनी पठमापत्तिकं धम्मं आपन्ना निस्सारणियं संघादिसेसं ॥ (9)

२. या पन भिक्खुनी जानं चोरिं वज्झं विदितं अनपलोकेत्वा  
राजानं वा संघं वा गणं वा पूगं वा सेणिं वा अञ्जत्र कप्पा वुट्ठापेय्य — अयं  
पि भिक्खुनी पठमापत्तिकं धम्मं आपन्ना निस्सारणियं संघादिसेसं ॥ (10)

३. या पन भिक्खुनी एका वा गामन्तरं गच्छेय्य, एका वा नदीतीरं  
गच्छेय्य, एका वा रत्तिं विप्पवसेय्य, अयं पि भिक्खुनी पठमापत्तिकं धम्मं  
आपन्ना निस्सारणियं संघादिसेसं ॥ (11)

४. या पन भिक्खुनी समग्गेन संघेन उक्खित्तं भिक्खुनिं धम्मेन  
विनयेन सत्थुसासनेन अनपलोकेत्वा कारकसंघं अनञ्जाय गणस्स छन्दं  
ओसारय्य, अयं पि भिक्खुनी पठमापत्तिकं धम्मं आपन्ना निस्सारणियं संघादि-  
सेसं ॥ (12)

५. या पन भिक्खुनी अवस्सुतस्स पुरिसपुग्गलस्स हत्थतो खादनियं  
वा भोजनियं वा सहत्था पटिग्गहेत्वा खादेय्य वा भुञ्जेय्य वा, अयं पि भिक्खुनी  
पठमापत्तिकं धम्मं आपन्ना निस्सारणियं संघादिसेसं ॥ (13)

६. या पन भिक्खुनी एवं वदेय्य — किं ते अय्ये एसो पुरिस-  
पुग्गलो करिस्सति अवस्सुतो वा अनवस्सुतो वा, यतो त्वं अनवस्सुता इंघ

अय्ये यं ते एसो परिसपुग्गलो देति खादनियं वा भोजनियं वा, तं त्वं सहत्था पटिग्गहेत्वा खाद वा भुञ्ज वा'ति, अयं पि भिक्षुनी पठमापत्तिकं धम्मं आपन्ना निस्सारणीयं संघादिसेसं ॥ (14)

७. या पन भिक्षुनी सञ्चरित्तं समापज्जेय्य इत्थिया वा पुरिसमत्तिं पुरिसस्स वा इत्थिमत्तिं जायत्तने वा जारत्तने वा अंतमसो तं-खाणिकाय पि, अयं पि भिक्षुनी पठमापत्तिकं धम्मं आपन्ना निस्सारणीयं संघादिसेसं ॥ (15)

८. या पन भिक्षुनी भिक्षुनिं दुट्ठा दोसा अप्पनीता अमूलकेन पाराजिकेन धम्मेन अनुद्धंसेय्य — अप्पेव नाम नं इमम्हा ब्रह्मचरिया चावेय्यं' ति, ततो अपरेन समयेन समनुग्गाहियमाना वा असमनुग्गाहियमाना वा अमूलकं चेव तं अधिकरणं हाति, भिक्षुनी च दोसं पतिट्ठाति, अयं पि भिक्षुनी पठमापत्तिकं धम्मं आपन्ना निस्सारणीयं संघादिसेसं ॥ (16)

९. या पन भिक्षुनी भिक्षुनिं दुट्ठा दोसा अप्पतीता अञ्जभागियस्स अधिकरणस्स किञ्चिदेसं लेसमतं उपादाय पाराजिकेन धम्मेन अनुद्धंसेय्य, अप्पेव नाम नं इमम्हा ब्रह्मचरिया चावेय्यं'ति, ततो अपरेन समयेन समनुग्गाहियमाना वा असमनुग्गाहियमाना वा अञ्जभागियं चेव तं अधिकरणं होति, कोपि देसो लेसमतो उपादिन्नो भिक्षुनी च दोसं पतिट्ठाति—अयं पि भिक्षुनी पठमापत्तिकं धम्मं आपन्ना निस्सारणीयं संघादिसेसं ॥ (17)

१०. या पन भिक्षुनी कुपिता अनत्तमना एवं वदेय्य—बुद्धं पच्चक्खामि, धम्मं पच्चक्खामि, संघं पच्चक्खामि, सिक्खं पच्चक्खामि, किं नु वा पन समणियो या समणियो सक्कयधीतरो सन्त'ञ्जा पि समणियो लज्जिनियो कुक्कुच्चिका सिक्खाकामा तासा'हं सत्तिके ब्रह्मचारियं चरिस्सामी'ति, भिक्षुनी भिक्षुनीहि एवमस्स वचनीया—मा'य्ये कुपिता अनत्तमना एवमवच—बुद्धं पच्चक्खामि, धम्मं पच्चक्खामि, संघं पच्चक्खामि, सिक्खं पच्चक्खामि, किं नु ता'व समणियो या समणियो सक्कयधीतरो, सन्त'ञ्जा पि समणियो लज्जिनियो कुक्कुच्चिका सिक्खाकामा तासा'हं सन्तिके ब्रह्मचारियं चरिस्सामी'ति, अभिरम'य्ये स्वाक्खातो धम्मो, चर ब्रह्मचारियं, सम्मा दुक्खस्स अन्तकिरियाया'ति । एवं चे सा भिक्षुनी भिक्षुनीहि वुच्चमाना तथेव पग्गणहेय्य, सा भिक्षुनी भिक्षुनीहि यावततियं समनुभासितब्बा तस्स पटिनिस्सग्गाय, यावततियं चे समनुभासियमाना तं पटिनिस्सज्जेय्य, इच्चेतं

कुसलं, नो चे पटिनिस्सज्जेय्य अयं पि भिक्खुनी यावततियकं धम्मं आपन्ना निस्सारणियं संघादिसेसं ॥ (18)

११. या पन भिक्खुनी किस्मिच्चिदेव अधिकरणे पच्चाकता कुपिता अनत्तमना एवं वदेय्य — छन्दगामिनियो च भिक्खुनियो, दोसगामिनियो च भिक्खुनियो, मोहगामिनियो च भिक्खुनियो, भयगामिनियो च भिक्खुनियो'ति, सा भिक्खुनीहि एवमस्स वचनीया — मा'य्ये किस्मिच्चिदेव अधिकरणे पच्चाकता कुपिता अनत्तमना एवं अवच — छन्दगामिनियो च भिक्खुनियो, दोसगामिनियो च भिक्खुनियो, मोहगामिनियो च भिक्खुनियो भयगामिनियो च भिक्खुनियो'ति । अय्या खो छन्दा पि गच्छेय्य, दोसा पि गच्छेय्य, मोहा पि गच्छेय्य, भया पि गच्छेय्या'ति । एवं च सा भिक्खुनी भिक्खुनीहि बुच्चमाना तत्थेव पग्गण्हेय्य, सा भिक्खुनी भिक्खुनीहि यावततियं समनुभासितब्बा तस्स पटिनिस्सग्गाय, यावततियं चे समनुभासियमाना तं पटिनिस्सज्जेय्य इच्चेतं कुसलं, नोचे पटिनिस्सज्जेय्य -- अयं पि भिक्खुनी यावततियं धम्मं आपन्ना निस्सारणियं संघादिसेसं ॥ (19)

१२. भिक्खुनियो पनेव संसट्ठा विहरन्ति पापाचारा पापसद्दा पापसिलोका भिक्खुनीसंघस्स विहेसिका अज्जमज्जिस्सा वज्जपटिच्छादिका । ता भिक्खुनियो भिक्खुनीहि एवमस्स वचनीया—भगिनियो खो संसट्ठा विहरन्ति, पापाचारा पापसद्दा पापसिलोका भिक्खुनीसंघस्स विहेसिका अज्जमज्जिस्सा वज्जपटिच्छादिका । विविच्चथ'य्ये विवेकं येव भगिनीनं संघो वण्णेती'ति । एवं चे ता भिक्खुनियो भिक्खुनीहि बुच्चमाना तत्थेव पग्गण्हेय्युं, ता भिक्खुनियो भिक्खुनीहि यावततियं समनुभासितब्बा तस्स पटिनिस्सग्गाय, यावततियं चे समनुभासियमाना तं पटिनिस्सज्जेय्युं, इच्चेतं कुसलं, नो चे पटिनिस्सज्जेय्युं—इमा पि भिक्खुनियो यावततियं धम्मं आपन्ना निस्सारणियं संघादिसेसं ॥ (20)

१३. या पन भिक्खुनी एवं वदेय्य—संसट्ठा'व अय्ये तुम्हे विहरथ, मा तुम्हे नाना विहरित्थ, संति संघे अज्जा पि भिक्खुनियो एवाचारा एवंसद्दा एवंसिलोका भिक्खुनीसंघस्स विहेसिका अज्जमज्जिस्सा वज्जपटिच्छादिका, ता संघो न किंचि आह । तुम्हं येव संघो उज्जाय परिभवेन अक्खन्तिया वेहस्सिया<sup>1</sup>

दुब्बल्या एवमाह — भगिनियो खो संसट्ठा विहरन्ति, पापाचारा पापसट्ठा पापसिलोका भिक्षुनीसंधस्स विहेसिका अज्जमज्जिस्सा वज्जपटिच्छादिका । विविच्चथ'य्ये विवेकं येव भगिनीनं संघो वण्णेती'ति । सा भिक्षुनी भिक्षुनीहि एवमस्स वचनीया-मा'य्ये एवं अवच, ससट्ठा'व अय्ये तुम्हे विहरथ, मा तुम्हे नाना विहरित्थ, संति सघे अज्जापि भिक्षुनियो एवाचारा एवंसट्ठा एवं-सिलोका भिक्षुनीसंधस्स विहेसिका अज्जमज्जिस्सा वज्जपरिच्छादिका ता संघो न किञ्चि आह, तुम्ह येव संघो उज्जाय परिभवेन अक्खन्ति या वेहस्सिया दुब्बल्या एवमाह-भगिनीयो खो संसट्ठा विहरन्ति पापाचारा पापसट्ठा पापसिलोका, भिक्षुनी-संधस्स विहेसिका अज्जमज्जिस्सा वज्जपटिच्छादिका । विविच्चथ'य्ये विवेकं येव भगिनीनं संघो वण्णेती'ति । एवं च सा भिक्षुनी भिक्षुनीहि वुच्चमाना तत्थेव पग्गणहेय्य सा भिक्षुनी भिक्षुनीहि यावततियं समनुभासितब्बा तस्स पटिनि-स्सग्गाय, यावततियं चे समनुभासियमाना तं पटिनिस्सज्जेय्य इच्चेतं कुसलं, नोचे पटिनिस्सज्जेय्य, अयं पि भिक्षुनी यावततियं धम्मं आपन्ना निस्सारणियं संघादिसेसं ॥ ( २१ )

१४. या पन भिक्षुनी समग्गस्स संधस्स भेदाय परक्कमेय्य, भेदन-संवत्तनिक वा अधिकरणं समादाय पग्गय्ह तिहेय्य, सा भिक्षुनी भिक्षुनीहि एकमस्स वचनीया-मा'य्ये, समग्गस्स संधस्स भेदाय परक्कमि, भेदसंवत्तनिकं वा अधिकरणं समादाय पग्गय्ह अट्ठासि, समेत'य्या संधेन, समग्गो हि संघो संमो-दमानो अविवदमानो एकुद्देसो फासु विरहती'ति एवं च सा भिक्षुनी भिक्षुनीहि वुच्चमाना तत्थेव पग्गणहेय्य, सा भिक्षुनी भिक्षुनीहि यावततियं समनुभासि-तब्बा तस्स पटिनिस्सग्गाय, यावततियं चे समनुभासियमाना तं पटिनिस्सज्जेय्य इच्चेतं कुसलं, नोचे पटिनिस्सज्जेय्य, अयं पि भिक्षुनी यावततियं धम्मं आपन्ना निस्सारणीयं संघादिसेसं ॥ ( २२ )

१५. तस्सा येव खो पन भिक्षुनिया भिक्षुनियो होन्ति अनु-वत्तिका वग्गवादिका एका वा द्वे वा तिस्सो वा ता एवं वदेय्युं-मा'य्यायो एतं भिक्षुनिं किञ्चि अवचुत्थ, धम्मवादिनी चे'सा भिक्षुनि, विनयवादिनी चे'सा भिक्षुनि, अम्हाकं चेसा भिक्षुनी छन्दं च रुचिं च आदाय वोहरति, जानाति नो भासति अम्हाकं पे'तं खमती'ति । ता भिक्षुनियो भिक्षुनीहि एवमस्स वचनीया-मा'य्यायो एवमवचुत्थ, न चेसा भिक्षुनी धम्मवादिनी, न चे'सा

भिक्षुनी विनयवादिनी, मा अय्यानं पि संघभेदो रुद्धित्थ, समेत'य्यानं संघेन समगो हि संघो संमोदमानो अविवदमानो एकुद्देसो फासु विहरती'ति । एवं चे सा भिक्षुनियो भिक्षुनीहि वुच्चमाना तथेव पग्गणहेय्युं, ता भिक्षुनियो भिक्षुनीहि यावततियं समनुभासितब्बा तस्स पटिनिस्सग्गाय, यावततियं चे समनुभासियमाना तं पटिनिस्सज्जेय्युं इच्चेतं कुसलं, नो चे पटिनिस्सज्जेय्युं—इमा पि भिक्षुनियो यावततियं धम्मं आपन्ना निस्सारणियं पाचित्तियं ॥ (२३)

१६. भिक्षुनी पनेव दुब्बचजातिका होति, उद्देसपरियापन्नेसु सिक्खा-पदेसु भिक्षुनीहि सहधम्मिकं वुच्चमाना अत्तानं अवचनीयं करोति—मा मं अय्यायो किञ्चि अवचुत्थ कल्याणं वा पापकं वा, विरमता'य्यायो मम वचनाया' ति । सा भिक्षुनी भिक्षुनीहि एवमस्स वचनीया—मा'य्या अत्तानं अवचनीयं अकासि, वचनीयं चेव अय्या अत्तानं करोतु, अय्या पि भिक्षुनीयो वदेतु सहधम्मेन, भिक्षुनियो पि अय्यं वक्खंति सहधम्मेन । एवं संवद्धा हि तस्स भगवतो परिसा यदिदं अञ्जमञ्जवचनेन अञ्जमञ्जपुकट्ठा पनेना' ति । एवमेसा भिक्षुनी भिक्षुनीहि वुच्चमाना तथेव पग्गणहेय्य, सा भिक्षुनी भिक्षुनीहि यावततियं समनुभासितब्बा तस्स पटिनिस्सग्गाय । यावत-तियं चे समनुभासियमाना तं पटिनिस्सज्जेय्य इच्चेतं कुसलं, नोचे पटिनिस्स-ज्जेय्य, अयं पि भिक्षुनी यावततियं धम्मं आपन्ना निस्सारणियं संघादिसेसं ॥ (२४)

१७. भिक्षुनी पनेव अञ्जतरं गामं वा निगमं वा उपनिस्साय विह-रति कुलद्वूसिका पापसमाचारा । तस्सा खो पापका समाचारा दिस्सन्ति चेव सुय्यंति च । कुलानि च ताय दूसितानि दिस्सन्ति चेव सुय्यन्ति च । सा भिक्षुनी भिक्षुनीहि एवमस्स वचनीया—अय्या खो कुलद्वूसिका पापसमाचारा, अय्याय खो पापका समाचारा दिस्सन्ति चेव सुय्यन्ति च । कुलानि अय्याय दुड्डानि दिस्सन्ति चेव सुय्यन्ति च, पक्कम'तय्या इमम्हा आवासा अलं ते इधावासेना'ति । एवं चे सा भिक्षुनी भिक्षुनीहि वुच्चमाना भिक्षुनियो एवं वदेय्य-छंदगामिनियो भिक्षुनियो, दोसगामिनियो च भिक्षुनियो, मोहगामिनियो च भिक्षुनियो, भयगामिनियो च भिक्षुनियो, तादिसिकाय आपत्तिया एकच्चं पब्बाजेन्ति, एकच्चं न पब्बाजेन्ती'ति । सा भिक्षुनी भिक्षुनीहि एवमस्स वचनीया—मा'य्ये एवं अवच, नच भिक्षुनियो छंदगामिनियो न च भिक्षुनियो दोसगामि-नियो न च भिक्षुनियो मोहगामिनियो, नच भिक्षुनियो भयगामिनियो, अय्या

खो कुलद्वसिका पापसमाचारा, अय्याय खो पापका समाचारा दिस्सन्ति चेव सुय्यन्ति च, कुलानि च'य्यायद्वसितानि दिस्सन्ति चेव सुय्यन्ति च, पक्कम'तय्या इमम्हा आवासा अलं ते इधावासेना'ति । एवं च सा भिक्षुनी भिक्षुनीहि वुच्चमाना तथेव पग्गणहेय्य, सा भिक्षुनी भिक्षुनीहि यावततियं समनुभासितव्वा तस्स पटिनिस्सग्गाय । यावततियं च समनुभासियमाना तं पटिनिस्सज्जेय्य' इच्चेतं कुसलं, नोच्चे पटिनिस्सज्जेय्य-अयं पि भिक्षुनी यावततियं धम्मं आपन्ना निस्साराणियं संघादिसेसं ॥ ( २५ )

उद्दिट्ठा खो अय्यायो सत्तरस संघादिसेसा धम्मा—नव पठमापत्तिका, अट्ठ यावततियका—येसं भिक्षुनी अञ्जतरं वा अञ्जतरं वा आपज्जाति । ताथ भिक्षुनिया उभतोसंघे पक्खमानत्तं चरितव्वं, चिण्णमानत्ताथ भिक्षुनिया यत्थ सिया वीसतिगणो भिक्षुनीसंघो तत्थ सा भिक्षुनी अब्भेतव्वा । एकाय पि चे ऊनो वीसतिगणो भिक्षुनीसंघो तं भिक्षुनिं अब्भेय्य, सा च भिक्षुनी अनब्भिता ता च भिक्षुनियो गारय्हा, अयं तत्थ सामीची ॥

तत्थ अय्यायो पुच्छामि—कच्चित्थ परिसुद्धा ? दुतियं पि पुच्छामि—कच्चित्थ परिसुद्धा ? ततियं पि पुच्छामि—कच्चित्थ परिसुद्धा'ति । परिसुद्धे'त्थ'-य्यायो, तस्मा तुण्ही एवमेतं धारयामि—इति ।

संघादिसेसा निट्ठिता ॥

### [ III निस्सग्गिया पाचित्तिया धम्मा । २६-३५ ]

इमे खो पन'य्यायो तिस निस्सग्गिया पाचित्तिया धम्मा उद्देसं आगच्छन्ति ।

१. या पन भिक्षुनी पत्तसंनिचयं करेय्य, निस्सग्गियं पाचित्तियं ॥ (२६)

२. या पन भिक्षुनी अकालचीवरं कालचीवरं'ति अधिट्ठित्वा भाजापेय्य, निस्सग्गियं पाचित्तियं । ( २७ )

३. या पन भिक्षुनी भिक्षुनिया सद्धि चीवरं परिवत्तेत्वा सा पच्छा एवं वदेय्य—हन्द'य्ये तुय्ह चीवरं आहर मे'तं चीवरं यं तुय्हं तुय्ह-मेवेतं, यं मय्हं मय्हमेवेतं आहर मे तं चीवरं, सकं पच्छा हरा'ति अच्छिन्देय्य वा अच्छिन्दापेय्य वा, निस्सग्गियं पाचित्तियं ॥ ( २८ )

४. या पन भिक्षुनी अञ्जं विञ्जापेत्वा अञ्जं विञ्जापेय्य, निस्सग्गियं पाचित्तियं ॥ ( २९ )

५. या पन भिक्खुनी अज्जं चेतापेत्वा अज्जं चेतापेय्य, निस्सग्गियं पाचित्तियं ॥ (30)

६. या पन भिक्खुनी अज्जदत्थिकेन परिक्खारेन अज्जुद्दिसिकेन संधिकेन अज्जं चेतापेय्य, निस्सग्गियं पाचित्तियं ॥ (31)

७. या पन भिक्खुनी अज्जदत्थिकेन परिक्खारेन अज्जुद्दिसिकेन संधिकेन संयाचिकेन अज्जं चेतापेय्य, निस्सग्गियं पाचित्तियं ॥ (32)

८. या पन भिक्खुनी अज्जदत्थिकेन परिक्खारेन अज्जुद्दिसिकेन महाजनिकेन अज्जं चेतापेय्य, निस्सग्गियं पाचित्तियं ॥ (33)

९. या पन भिक्खुनी अज्जुद्दिसिकेन परिक्खारेन अज्जुद्दिसिकेन महाजनिकेन संयाचितेन अज्जं चेतापेय्य, निस्सग्गियं पाचित्तियं ॥ (34)

१०. या पन भिक्खुनी अज्जदत्थिकेन परिक्खारेन अज्जुद्दिसिकेन पुग्गलिकेन संयाचिकेन अज्जं चेतापेय्य, निस्सग्गियं पाचित्तियं ॥ (35)

### [ पत्तवग्गो पठमो । ]

११. गरुपापुरणं पन भिक्खुनिया चेतापेन्तिया चतुक्कंसपरमं चेतापेतब्बं । ततो चे उत्तरिं चेतापेय्य, निस्सग्गियं पाचित्तियं ॥ (36)

१२. लह्हुपापुरणं पन भिक्खुनिया चेतापेन्तिया अड्ढतेय्यकंसपरमं चेतापेतब्बं । ततो चे उत्तरिं चेतापेय्य, निस्सग्गियं पाचित्तियं ॥ (37)

१३. निट्ठितचीवरस्मिं पन भिक्खुनिया उब्भतस्मिं कठिने दसाहपरमं अतिरेक्कीवर धारेतब्बं । तं अतिक्रामेन्तिया निस्सग्गियं पाचित्तियं ॥ (38)

१४. निट्ठितचीवरस्मिं पन भिक्खुनिया उब्भतस्मिं कठिने एकरत्तिं पि चे भिक्खुनी पञ्चाहि चीवरेहि विप्पवसेय्य अज्जत्र भिक्खुनीसंमुत्तिया, निस्सग्गियं पाचित्तियं ॥ (39)

१५. निट्ठितचीवरस्मिं पन भिक्खुनिया उब्भतस्मिं कठिने भिक्खुनिया पनेव अकालचीवरं उप्पज्जेय्य, आकंखमानाय भिक्खुनिया तं पटिग्गहेतब्बं । पटिग्गहेत्वा स्खिप्पमेव कारेतब्बं, नो चस्स पारिपूरि मासपरमं ताय भिक्खुनिया तं चीवरं निक्खिपितब्बं ऊनस्स पारिपूरिया सत्तिया पञ्चासाय । ततो चे उत्तरिं निक्खिपेय्य सत्तिया पि पञ्चासाय, निस्सग्गियं पाचित्तियं ॥ (40)



१६. या पन भिक्षुनी अज्जातकं गहपतिं वा गहपतानिं वा चीवरं विज्जापेय्य अज्जत्र समया निस्सगियं पाचित्तियं । तत्थो'यं समयो—अच्छि-  
न्नचीवरा वा होति भिक्षुनी नट्टचीवरा वा, अयं तत्थ समयो ॥ (41)

१७. तं चे अज्जतरो गहपती वा गहपतानीं वा बहूहि चीवरेहि अभि-  
हट्ठु पवारय्य सन्तरुत्तरपरमं ताय भिक्षुनिया ततो चीवरं सादितब्बं, ततो चे  
उत्तरि सादियेय्य, निस्सगियं पाचित्तियं ॥ (42)

१८. भिक्षुनिं पनेव उद्दिस्स अज्जतरस्स गहपतिस्स वा गहपतानिया  
वा चीवरचेतापन्नं उपक्खटं होति—इमिना चीवरचेतापन्नेन चीवरं चेतापेत्वा इत्थं-  
नामं भिक्षुनिं चीवरेन अच्छादेमा'ति । तत्र चे सा भिक्षुनी पुब्बे अप्पवा  
रिता उपसंकमित्वा चीवरे विकप्पं आपज्जेय्य—साधु बत मं आयस्समा इमिना  
चीवरचेतापन्नेन एवरूपं वा एवरूपं वा चीवरं चेतापेत्वा अच्छादेही'ति कल्याण-  
कम्मयत्तं उपादाय, निस्सगियं पाचित्तियं ॥ (43)

१९. भिक्षुनिं पनेव उद्दिस्स उभिन्नं अज्जातकानं गहपतीनं व  
गहपतानीनं वा पच्चेकचीवरचेतापन्ना उपक्खटा होन्ति—इमेहि मयं पच्चेक-  
चीवरचेतापन्नेहि पच्चेकचीवराणि चेतापेत्वा इत्थंनामं भिक्षुनिं चीवरेहि अच्छा-  
देस्सामा'ति, तत्र चे भिक्षुनी पुब्बे अप्पवारिता उपसंकमित्वा चीवरे विकप्पं  
आपज्जेय्य—साधु बत मं आयस्सन्तो इमेहि पच्चेकचीवरचेतापन्नेहि एवरूपं-  
वा एवरूपं वा चीवरं चेतापेत्वा अच्छादेय्य, उभो च सन्ता एकेना'ति कल्याण-  
कम्मयत्तं उपादाय, निस्सगियं पाचित्तियं ॥ (44)

२०. भिक्षुनिं पनेव उद्दिस्स राजा वा राजभोग्गो वा ब्राह्मणो वा गह-  
पतिको वा दूतेन चीवरचेतापन्नं पहिणेय्य—इमिना चीवरचेतापन्नेन चीवरं  
चेतापेत्वा इत्थंनामं भिक्षुनिं चीवरेन अच्छादेही'ति । सो चे दूतो तं  
भिक्षुनिं उपसंकमित्वा एवं वदेय्य—इदं खो अय्ये अय्यं उद्दिस्स चीवर-  
चेतापन्नं आहतं, पटिगणहातु अय्या चीवरचेतापन्नं'ति । ताय भिक्षुनिया  
सो दूतो एवमस्स वचनीयो—न खो मयं आवुसो चीवरचेतापन्नं पटिगणहाम  
चीवरं च खो मयं पटिगणहाम कालेन काप्पिकं'ति । सो दूतो तं भिक्षुनिं  
एवं वदेय्य—अत्थि पन'य्ये कोच्चि वेय्यावच्चकरो'ति, चीवरत्थिकाय  
भिक्षवे भिक्षुनिया वेय्यावच्चकरा निद्दिसितब्बा आरामिका वा उपासिका  
वा—एसा खो आवुसो भिक्षुनीनं वेय्यावच्चकरा'ति । सो चे दूतो तं वेय्या-

वच्चकरं सञ्जापेत्वा तं भिक्खुनिं उपसंक्रामित्वा एवं वदेय्य -- यं खो अय्ये  
अय्या वेय्यावच्चकरं निद्विसि, सञ्जत्ता सा मया उपसंक्रमतु अय्या कालेन,  
चीवरेण तं अच्छादेस्सती'ति । चीवरत्थिकाय भिक्खवे भिक्खुनिया वेय्या-  
वच्चकरं उपसंक्रामित्वा द्वित्तिक्खत्तुं चोदेतब्बा सरेतब्बा -- अत्थो मे आनुसो  
चीवरेणा'ति द्वित्तिक्खत्तुं चोदियमाना सारियमाना तं चीवरं अभिनिष्पादेय्य  
इच्चेतं कुसलं, नो चे अभिनिष्पादेय्य, चतुक्खत्तुं पञ्चक्खत्तुं छक्खत्तुपरमं  
तुण्हीभूता उद्विस्स तिट्ठमाना तं चीवरं अभिनिष्पादेय्य इच्चेतं कुसलं, नो  
चे अभिनिष्पादेय्य ततो चे उत्तरि वायममाना तं चीवरं अभिनिष्पादेय्य,  
निस्सगियं पाचित्तियं ॥ नो चे अभिनिष्पादेय्य यत'स्सा चीवरचेतापन्नं आहतं  
तत्थ सामं वा गन्तब्बं, दूतो वा पाहेतब्बो -- यं खो तुम्हे आयस्मन्तो भिक्खुनिं  
चीवरचेतापन्नं पहिणित्थ न तं तस्सा भिक्खुनिया किञ्चि अत्थं अनुभोति,  
युज्जन्ता'यस्मन्तो सकं मा वो सकं विनस्सा'ति, अयं तत्थ सामीची ॥ ( 45 )

[ चीवरवग्गो दुतियो । ]

२१. या पन भिक्खुनी जातरूपरजतं उग्गण्हेय्य वा उग्गण्हापेय्य वा  
उपनिक्खत्तं वा सादियेय्य, निस्सगियं पाचित्तियं ॥ ( 46 )

२२. या पन भिक्खुनी नानप्पकारकं रूपियसंवोहारं समापज्जेय्य  
निस्सगियं पाचित्तियं ॥ ( 47 )

२३. या पन भिक्खुनी नानप्पकारकं कयविक्रयं समापज्जेय्य, निस्स-  
गियं पाचित्तियं ॥ ( 48 )

२४. या पन भिक्खुनी ऊनपञ्चबन्धनेन पत्तेन अञ्जं नवं पत्तं चेता-  
पेय्य, निस्सगियं पाचित्तियं ॥ ताय भिक्खुनिया सो पत्तो भिक्खुनीपरिसाय  
निस्सज्जितब्बो यो च तस्सा भिक्खुनिपरिसाय पत्तपरियंतो सो तस्सा भिक्खुनिया  
पत्तो पदातब्बो -- अयं ते भिक्खुनी पत्तो याव भेदाय धारेतब्बो'ति, अयं तत्थ  
सामीची ॥ ( 49 )

२५. यानि खो पन तानि गिलानानं भिक्खुनीनं पटिसायनयानि  
भेसज्जानि सेय्यथी'दं -- सप्पि नवनीतं तेल मधु फाणितं, तानि पटिग्गहेत्वा  
सत्ताहपरमं संनिधिकारकं परिभुज्जितब्बानि । तं आतिक्कामेन्तिया निस्सगियं  
पाचित्तियं ॥ ( 50 )

२६. या पन भिक्खुनी भिक्खुनिया सामं चीवरं दत्त्वा कुपिता अन-  
त्तमना अच्छिदेय्य वा अच्छिन्दापेय्य वा, निस्सगियं पाचित्तियं ॥ ( 51 )

२७. या पन भिक्षुनी सामं सुत्तं विज्जापेत्वा तन्तवायेहि चीवरं बायापेय्य, निस्सगियं पाचित्तियं ॥ ( 52 )

२८. भिक्षुनिं पनेव उद्दिस्स अज्जातको गहपति वा गहपतानी वा तन्तवायेहि चीवरं बायापेय्य, तत्र चे सा भिक्षुनी पुब्बे अप्पवारिता तन्तवाये उपसंकमिन्वा चीवरे विकप्पं आपज्जेय्य-इदं खो आवुसो चीवरं मं उद्दिस्स वीयात' आयतं च करोथ वित्थतं च अप्पितं च सुवीतं च सुप्पवायितं च सुविलेखितं च सुविताच्छित्तं च करोथ, अप्पेव नाम मयं पि आयस्सन्तानं किञ्चिमत्तं अनुपदज्जेय्यामा'ति । एवं सा भिक्षुनी वत्वा किञ्चिमत्तं अनुपदज्जेय्य अन्तमसो पिण्डपातमत्तं पि, निस्सगियं पाचित्तियं ॥ ( 53 )

२९. दसाहनागतं कत्तिकतेमासिपुण्णिमं भिक्षुनिया पनेव अच्चेक-चावरं उप्पज्जेय्य, अच्चेकं मज्झमानाय भिक्षुनिया पटिग्गहेतब्बं, पटिग्गहेत्वा याव चीवरकालसमयं निक्खिपितब्बं, ततो चे उत्तरिं निक्खिपेय्य, निस्सगियं पाचित्तियं ॥ ( 54 )

३०. या पन भिक्षुनी जानं संधिकं लाभं परिणतं अत्तनो पारिणामेय्य, निस्सगियं पाचित्तियं ॥ ( 55 )

[ जातरूपवग्गो ततियो ॥ ]

उद्दिट्ठा खो अय्यायो तिसं निस्सगिया पाचित्तिया धम्मा । तत्थ'य्यायो पुच्छामि-कच्चित्थ परिसुद्धा ? । दुतियं पि पुच्छामि-कच्चित्थ परिसुद्धा ? । ततियं पि पुच्छामि-कच्चित्थ परिसुद्धा ? । परिसुद्धे'त्थय्यायो, तस्मा तुण्ही एवमेतं धारयामी'ति ॥

निस्सगिया पाचित्तिया धम्मा निट्ठिता ॥

[ IV पाचित्तिया धम्मा । 56-221 ]

इमे खो पन'य्यायो छसट्ठिसता पाचित्तिया धम्मा उद्देसं आगच्छन्ति-

१. या पन भिक्षुनी लसुनं खादेय्य, पाचित्तियं ॥ ( 56 )

२. या पन भिक्षुनी संबाधे लोमं संहरापेय्य, पाचित्तियं ॥ ( 57 )

३. तलघातके पाचित्तियं ॥ ( 58 )

४. जतुमट्ठके पाचित्तियं ॥ ( 59 )

1: विध्यति B.

५. उदकसुद्धिकं पन भिक्खुनिया आदियमानाय द्रुंगुलपब्बपरमं आदा-  
तब्बं, तं अतिकामेन्तिया पाचित्तियं ॥ (60)

६. या पन भिक्खुनी भिक्खुस्स भुंजन्तस्स पानीयेन वा विधूपनेन वा  
उपतिट्ठेय्य, पाचित्तियं ॥ (61)

७. या पन भिक्खुनी आमकधज्जं विज्जित्वा वा विज्जापेत्वा वा,  
भज्जित्वा वा भज्जापेत्वा वा, कोट्ठित्वा वा कोट्ठापेत्वा वा, पचित्वा वा पचापे-  
त्वा, वा परिभुज्जेय्य, पाचित्तियं ॥ (62)

८. या पन भिक्खुनी उच्चारं वा पस्सावं वा संकारं वा विवासं वा  
तिरोकुट्ठे वा तिरोपाकारे वा छट्ठेय्य वा छट्ठापेय्य वा, पाचित्तियं ॥ (63)

९. या पन भिक्खुनी उच्चारं वा पस्सावं वा संकारं वा विधासं वा  
हरिते छट्ठेय्य वा छट्ठापेय्य वा, पाचित्तियं ॥ (64)

१०. या पन भिक्खुनी नच्चं वा गीतं वा वादितं वा दस्सनाय  
गच्छेय्य, पाचित्तियं ॥ (65)

### [ लसुनवग्गो पठमो । ]

११. या पन भिक्खुनी रत्तन्धकारे अप्पदीपे पुरिसेन सद्धिं एकेनेका  
संतिट्ठेय्य वा सल्लपेय्य वा, पाचित्तियं ॥ (66)

१२. या पन भिक्खुनी परिच्छन्ने ओकासे पुरिसेन सद्धिं एकेने'का  
संतिट्ठेय्य वा सल्लपेय्य वा, पाचित्तियं ॥ (67)

१३. या पन भिक्खुनी अज्झोकासे पुरिसेन सद्धिं एकेने'का संतिट्ठेय्य  
वा सल्लपेय्य वा, पाचित्तियं ॥ (68)

१४. या पन भिक्खुनी रथियाय वा व्यूहे वा सिंघाटके वा पुरिसेन सद्धिं  
एकेने'का संतिट्ठेय्य वा सल्लपेय्य वा निकण्णिकं वा जपेय्य, दुतिथिकं वा  
भिक्खुनिं उय्योजेय्य, पाचित्तियं ॥ (69)

१५. या पन भिक्खुनी पुरेभत्तं कुलानि उपसंकमित्वा आसने निर्सी-  
दित्वा सामिके अनापुच्छा पक्कमेय्य, पाचित्तियं ॥ (70)

१६. या पन भिक्खुनी पच्छाभत्तं कुलानि उपसंकमित्वा सामिके अना-  
पुच्छा आसने अभिनिर्सीदेय्य वा अभिनिपज्जेय्य वा, पाचित्तियं ॥ (71)

१७. या पन भिक्षुनी विकाले कुलानि उपसंक्रमित्वा सामिके अना-  
पुच्छा सेय्यं संथरित्वा वा संथरोपेत्वा वा अभिनिसीदेय्य वा अभिनिपज्जेय्य  
वा, पाचित्तियं । ( 72 )

१८. या पन भिक्षुनी दुग्गाहितेन दुग्गधारितेन परं उज्झापेय्य,  
पाचित्तियं ॥ ( 73 )

१९. या पन भिक्षुनी अत्तानं वा परं वा निरयेन वा ब्रह्मचरियेन वा  
अभिसपेय्य, पाचित्तियं ॥ ( 74 )

२०. या पन भिक्षुनी अत्तानं वधित्वा वधित्वा रोदेय्य, पाचित्तियं ॥ ( 75 )

[ रत्तंधकारवग्गो त्तियो । ]

२१. या पन भिक्षुनी नग्गा नहायेय्य पाचित्तियं ॥ ( 76 )

२२. उदकसाटिकं पन भिक्षुनिया कारयमानाय पमाणिका करे-  
तब्बा । तत्रिदं पमाणं - दीघसो चतस्सो विदत्थियो सुगतविदत्थिया, तिरियं द्वे  
विदत्थिया, तं अतिक्रामेन्तिया छेद्वनकं पाचित्तियं ॥ ( 77 )

२३. या पन भिक्षुनी भिक्षुनिया चीवरं विसिब्बेत्वा वा विसिब्बापेत्वा  
वा सा पच्छा अनन्तरायिकिनी नेव सिब्बेय्य न सिब्बापनाय उस्सुक्कं करेय्य  
अञ्जत्र चतूहपच्चाहा, पाचित्तियं ॥ ( 78 )

२४. या पन भिक्षुनी पञ्चाहिकं संघाटिचारं अतिक्कामेय्य,  
पाचित्तियं ॥ ( 79 )

२५. या पन भिक्षुनी चीवरं संक्रमनीयं धारेय्य, पाचित्तियं ॥ ( 80 )

२६. या पन भिक्षुनी गणस्स चीवरलाभं अन्तरायं करेय्य,  
पाचित्तियं ॥ ( 81 )

२७. या पन भिक्षुनी धम्मिकं चीवरविभंगं परिवाहेय्य पाचित्तियं ॥  
( 82 )

२८. या पन भिक्षुनी अगारिकस्स वा परिब्बाजकस्स वा परिब्बा-  
जिकाय वा समणचीवरं ददेय्य, पाचित्तियं ॥ ( 83 )

२९. या पन भिक्षुनी दुब्बलचीवरपच्चासाय चीवरकालसमयं  
अतिक्रामेय्य, पाचित्तियं ॥ ( 84 )

३०. या पन भिक्षुनी धम्मिकं कठिनुद्धारं परिवाहेय्य पाचित्तियं ॥  
( 85 )

[ नग्गवग्गो त्तियो । ]

३१. या पन भिक्खुनियो द्वे एकमञ्चे तुवट्ठेय्युं, पाचित्तियं ॥ ( ८६ )

३२. या पन भिक्खुनियो द्वे एकत्थरणपावुरणा तुवट्ठेय्युं, पाचित्तियं ॥ ( ८७ )

३३. या पन भिक्खुनी भिक्खुनिया संचिच्च अफासुं कारेय्य, पाचित्तियं ॥ ( ८८ )

३४. या पन भिक्खुनी डुक्खितं सहजीविनिं नेव उपट्ठहेय्य न उप-  
ट्ठापनाय उस्सुक्कं करेय्य, पाचित्तियं ॥ ( ८९ )

३५. या पन भिक्खुनी भिक्खुनिया उपस्सयं दत्त्वा पच्छा कुपिता  
अनत्तमना निक्कट्ठेय्य वा निक्कट्ठापेय्य वा, पाचित्तियं ॥ ( ९० )

३६. या पन भिक्खुनी संसट्ठा विहरेय्य गहपतिना वा गहपतिपुत्तेन, सा  
भिक्खुनी भिक्खुनीहि एवमस्स वचनीया-मा'य्ये संसट्ठा विहरि गहपतिना पि गह-  
पतिपुत्तेना पि, विविच्च'य्ये विवेकं येव भगिनिया संबो वण्णेती'ति । एवं च सा  
भिक्खुनी भिक्खुनीहि बुद्धमाना तथेव पगणहेय्य, सा भिक्खुनी भिक्खुनीहि  
यावततियं समनुभासितब्बा तस्स पटिनिस्सग्गाय । यावततियं चे समनुभासिय-  
माना तं पटिनिस्सज्जेय्य इच्चेतं कुसलं, नो चे पटिनिस्सज्जेय्य, पाचित्तियं ॥ ( ९१ )

३७. या पन भिक्खुनी अन्तोरट्ठे सासंकसंमते सप्पाटिभये असत्थिका  
चारिकं चरेय्य, पाचित्तियं ॥ ( ९२ )

३८. या पन भिक्खुनी तिरोरट्ठे सासंकसंमते सप्पाटिभये असत्थिका  
चारिकं चरेय्य, पाचित्तियं ॥ ( ९३ )

३९. या पन भिक्खुनी अनोवस्सं चारिकं चरेय्य पाचित्तियं ॥ ( ९४ )

४०. या पन भिक्खुनी वस्सं वुत्था चारिकं न पक्कमेय्य अन्तमसो  
छप्पज्जयोजनानि, पाचित्तियं ॥ ( ९५ )

[ तुवट्ठवग्गो चतुत्थो । ]

४१. या पन भिक्खुनी राजागारं वा चित्तागारं वा आरामं वा उय्यानं  
वा पोक्खराणिं वा दस्सनाय गच्छेय्य, पाचित्तियं ॥ ( ९६ )

४२. या पन भिक्खुनी आसन्दिं वा पल्लं वा परिभुज्जेय्य,  
पाचित्तियं ॥ ( ९७ )

४३. या पन भिक्षुनी सुत्तं कंतेय्य, पाचित्तियं ॥ ( 98 )
४४. या पन भिक्षुनी गिहिवेय्यावच्चं करेय्य पाचित्तियं ॥ ( 99 )
४५. या पन भिक्षुनी भिक्षुनिया — एह'य्ये इमं अधिकरणं वूपसमे' ति बुच्चमाना साधू'ति पटिसुणित्वा सा पच्छा अनन्तरायिकिनी नेव वूपसमेय्य न वूपसमाय उस्सुक्कं करेय्य, पाचित्तियं ॥ ( 100 )
४६. या पन भिक्षुनी अगारिक्खस्स वा परिब्बाजक्खस्स वा परिब्बाजिक्काय वा सहत्था खादनियं वा भोजनियं वा ददेय्य, पाचित्तियं ॥ ( 101 )
४७. या पन भिक्षुनी आवसथचीवरं अनिस्सज्जित्वा परिभुंजेय्य, पाचित्तियं ॥ ( 102 )
४८. या पन भिक्षुनी आवसथं अनिस्सज्जित्वा चारिकं पक्कामेय्य, पाचित्तियं ॥ ( 103 )
४९. या पन भिक्षुनी तिरच्छानविज्जं परियापुणेय्य, पाचित्तियं ॥ ( 104 )
५०. या पन भिक्षुनी तिरच्छानविज्जं वाचेय्य, पाचित्तियं ॥ ( 105 )

[ चित्तागारवग्गो पञ्चमो । ]

५१. या पन भिक्षुनी जानं सभिक्षुक्कं आरामं अनापुच्छा पविसेय्य, पाचित्तियं ॥ ( 106 )
५२. या पन भिक्षुनी भिक्षुं अक्कोसेय्य वा परिभासेय्य वा, पाचित्तियं ॥ ( 107 )
५३. या पन भिक्षुनी चण्डिकाता गणं परिभासेय्य, पाचित्तियं ॥ ( 108 )
५४. या पन भिक्षुनी निमंतिता वा पवारिता वा खादनियं वा भोजनियं वा खादेय्य वा भुंजेय्य वा, पाचित्तियं ॥ ( 109 )
५५. या पन भिक्षुनी कुलमच्छरिनी अस्स, पाचित्तियं ॥ ( 110 )
५६. या पन भिक्षुनी अभिक्षुके आवासे वस्सं वसेय्य, पाचित्तियं ॥ ( 111 )
५७. या पन भिक्षुनी वस्सं दुत्था उभतोसंघे तीहि ठानेहि नप्पवारिण्य दिट्ठेन वा सुतेन वा परिसंकाय वा, पाचित्तियं ॥ ( 112 )

५८. या पन भिक्खुनी ओवादाय वा संवासाय वा न गच्छेय्य  
पाचित्तियं ॥ (113)

५९. अन्वद्धमासं पन भिक्खुनिया भिक्खुसंघतो द्वे धम्मा पच्चासिं-  
सितब्बा-उपोसथपुच्छकं च ओवादूपसंकमनं च । तं अतिकामेन्तिया पाचित्तियं ॥  
(114)

६०. या पन भिक्खुनी पसाखे जातं गण्डं वा रुचितं वा अनपलोकेत्वा  
संघं वा गणं वा पुरिसेन सद्धिं एकेनेका भेदापेय्य वा फालापेय्य वा धोवापेय्य वा  
आलिंपापेय्य वा बन्धापेय्य वा मोचापेय्य वा, पाचित्तियं ॥ (115)

[ आरामवग्गो छट्ठो । ]

६१. या पन भिक्खुनी गब्भिनिं वुट्ठापेय्य, पाचित्तियं ॥ (116)

६२. या पन भिक्खुनी पायन्तिं वुट्ठापेय्य, पाचित्तियं ॥ (117)

६३. या पन भिक्खुनी द्वे वस्सानि छसु धम्मेसु असिक्खितसिक्खं  
सिक्खमानं वुट्ठापेय्य, पाचित्तियं ॥ (118)

६४. या पन भिक्खुनी द्वे वस्सानि छसु धम्मेसु सिक्खितासिक्खं  
सिक्खमानं संघेन असंमतं वुट्ठापेय्य, पाचित्तियं ॥ (119)

६५. या पन भिक्खुनी ऊनद्वादसवस्सं गिहिगतं वुट्ठापेय्य, पाचित्तियं ॥  
(120-

६६. या पन भिक्खुनी परिपुण्णद्वादसवस्सं गिहिगतं द्वे वस्सानि छसु  
धम्मेसु असिक्खितसिक्खं वुट्ठापेय्य, पाचित्तियं ॥ (121)

६७. या पन भिक्खुनी परिपुण्णद्वादसवस्सं गिहिगतं द्वे वस्सानि छसु  
धम्मेसु सिक्खितसिक्खं संघेन असंमतं वुट्ठापेय्य, पाचित्तियं ॥ (122)

६८. या पन भिक्खुनी सहजीविनिं वुट्ठापेत्वा द्वे वस्सानि नेव अनुग-  
ण्हेय्य न अनुगण्हापेय्य, पाचित्तियं ॥ (123)

६९. या पन भिक्खुनी वुट्ठापितं पवत्तिनि द्वे वस्सानि नानुबन्धेय्य,  
पाचित्तियं ॥ (124)

७०. या पन भिक्खुनी सहजीविनिं वुट्ठापेत्वा नेव वूपकासेय्य न वूप-  
कासापेय्य अन्तमसो छप्पञ्चयोजनानि पि, पाचित्तियं ॥ (125)

[ गब्भिनीवग्गो सत्तमो । ]



७१. या पन भिक्षुनी ऊनवीसतिवस्सं कुमारिभूतं बुट्टापेय्य, पाचि-  
त्तियं ॥ (126)

७२. या पन भिक्षुनी परिपुण्णवीसतिवस्सं कुमारिभूतं द्वे वस्सानि छसु  
धम्मेषु असिक्खितसिक्खं बुट्टापेय्य, पाचिच्चियं ॥ (127)

७३. या पन भिक्षुनी परिपुण्णवीसतिवस्सं कुमारिभूतं द्वे वस्सानि  
छसु धम्मेषु सिक्खितसिक्खं संघेन असंमतं बुट्टापेय्य, पाचिच्चियं ॥ (128)

७४. या पन भिक्षुनी ऊनद्वादसवस्सा बुट्टापेय्य, पाचिच्चियं ॥ (129)

७५. या पन भिक्षुनी परिपुण्णद्वादसवस्सा संघेन असंमता बुट्टापेय्य,  
पाचिच्चियं ॥ (130)

७६. या पन भिक्षुनी-अलं ताव ते अय्ये बुट्टापितेना'ति बुच्चमाना  
साधू' ति पटिसुणित्वा पच्छा खीयनधम्मं आपज्जेय्य, पाचिच्चियं ॥ (131)

७७. या पन भिक्षुनी सिक्खमानं—सचे मे त्वं अय्ये चीवरं दस्ससि  
एवा'हं तं बुट्टापेस्सामी'ति वत्वा सा पच्छा अनन्तरायिकिनी नेवं बुट्टापेय्य न  
बुट्टापनाय उस्सुक्कं करेय्य, पाचिच्चियं ॥ (132)

७८. या पन भिक्षुनी सिक्खमानं—सचे मे त्वं अय्ये द्वे वस्सानि  
अनुबांघिस्ससि एवा'हं तं बुट्टापेस्सामी'ति वत्वा पच्छा अनन्तरायिकिनी नेवं  
बुट्टापेय्य न बुट्टापनाय उस्सुक्कं करेय्य, पाचिच्चियं ॥ (133)

७९. या पन भिक्षुनी पुरिससंसदं कुमारकसंसदं चण्डिं सोकावासं  
सिक्खमानं बुट्टापेय्य पाचिच्चियं ॥ (134)

८०. या पन भिक्षुनी मातापितूहि वा सामिकेन वा अननुज्जातं  
सिक्खमानं बुट्टापेय्य, पाचिच्चियं ॥ (135)

८१. या पन भिक्षुनी पारिवासिकछन्ददानेन सिक्खमानं बुट्टापेय्य,  
पाचिच्चियं ॥ (136)

८२. या पन भिक्षुनी अनुवस्सं बुट्टापेय्य, पाचिच्चियं ॥ (137)

८३. या पन भिक्षुनी एकं वस्सं द्वे बुट्टापेय्य, पाचिच्चियं ॥ (138)

[ कुमारिभूतवग्गो अट्टमो ]

८४. या पन भिक्षुनी अगिलाना छत्तुपाहनं धारेय्य, पाचिच्चियं ॥ (139)

८५. या पन भिक्खुनी अगिलाना यानेन यायेय्य, पाचित्तियं ॥ (140)
८६. या पन भिक्खुनी संघाणि धारेय्य, पाचित्तियं ॥ (141)
८७. या भिक्खुनी इत्था'लंकारं धारेय्य, पाचित्तियं ॥ (142)
८८. या पन भिक्खुनी गन्धवण्णकेन नहायेय्य, पाचित्तियं ॥ (143)
८९. या पन भिक्खुनी वासितकेन पिञ्जाकेन नहायेय्य, पाचित्तियं ॥ (144)
९०. या पन भिक्खुनी भिक्खुनिया उम्मद्वापेय्य वा परिमद्वापेय्य वा,  
पाचित्तियं ॥ (145)
९१. या पन भिक्खुनी सिक्खमानाय उम्मद्वापेय्य वा परिमद्वापेय्य वा,  
पाचित्तियं ॥ (146)
९२. या पन भिक्खुनी सामणेरिया उम्मद्वापेय्य वा परिमद्वापेय्य वा,  
पाचित्तियं ॥ (147)
९३. या पन भिक्खुनी गिहिनिया उम्मद्वापेय्य वा परिमद्वापेय्य वा,  
पाचित्तियं ॥ (148)
९४. या पन भिक्खुनी भिक्खुस्स पुरतो अनापुच्छा आसने निसीदेय्य,  
पाचित्तियं ॥ (149)
९५. या पन भिक्खुनी अनोकासकतं भिक्खुं पङ्कं पुच्छेय्य, पाचित्तियं ॥ (150)
९६. या पन भिक्खुनी असंकच्छिका गामं पविसेय्य पाचित्तियं ॥ (151)

[ छत्तवग्गो नवमो । ]

९७. संपजानमुसावादे पाचित्तियं ॥ (152)
९८. ओमसवादे पाचित्तियं ॥ (153)
९९. भिक्खुनीपेसुञ्जे पाचित्तियं ॥ (154)
१००. या पन भिक्खुनी अनुपसंपन्नं पदसो धम्मं वाचेय्य, पाचित्तियं ॥ (155)
१०१. या पन भिक्खुनी अनुपसंपन्नाय उत्तरिं द्विरत्ततिरत्तं सहसेय्यं  
कप्पेय्य, पाचित्तियं ॥ (156)
१०२. या पन भिक्खुनी पुरिसेन सहसेय्यं कप्पेय्य, पाचित्तियं ॥ (157)
१०३. या पन भिक्खुनी पुरिसस्स उत्तरिं छप्पञ्चवाचाहि धम्मं देसेय्य  
अञ्जत्र विञ्जुना इत्थिविग्गहेन, पाचित्तियं ॥ (158)

१०४. या पन भिक्षुनी अनुपसम्पन्नाय उत्तरिमनुस्सधम्मं आरोचेय्य, भूतस्मिं पाचित्तियं ॥ (159)

१०५. या पन भिक्षुनी भिक्षुनिया डुटुल्लं आपत्तिं अनुपसंपन्नाय आरोचेय्य, अज्झत्र भिक्षुनीसंमुतिया, पाचित्तियं ॥ (160)

१०६. या पन भिक्षुनी पठविं खणेय्य वा खणापेय्य वा पाचित्तियं ॥ (161)

[ मुसावाइवग्गो वसमो । ]

१०७. भूतगामपातव्यताय पाचित्तियं ॥ (162)

१०८. अज्झवादके, पाचित्तियं ॥ (163)

१०९. उज्झापनके खीयनके, पाचित्तियं ॥ (164)

११०. या पन भिक्षुनी संधिकं मज्जं वा पीठं वा भिसिं वा (विम्बो-हनं वा ) कोच्छं वा अज्झोक्कासे संथरित्वा वा संथरापेत्वा वा तं पक्कमन्ता नेव उद्धरेय्य न उद्धरापेय्य, अनापुच्छं वा गच्छेय्य, पाचित्तियं ॥ (165)

१११. या पन भिक्षुनी संधिके विहारे सेय्यं संथरित्वा वा संथरापेत्वा वा तं पक्कमन्ता नेव उद्धरेय्य, उद्धरापेय्य, अनापुच्छं वा गच्छेय्य, पाचित्तियं ॥ (166)

११२. या पन भिक्षुनी संधिके विहारे जानं पुब्बु'पगतं भिक्षुनिं अनुपखज्ज सेय्यं कप्पेय्य-यस्सा संबाधो भविस्सति सा पक्कमिस्सती'ति एत-देव पच्चयं करित्वा अनज्जं, पाचित्तियं ॥ (167)

११३. या पन भिक्षुनी भिक्षुनिं कुपिता अनत्तमना संधिका विहारा निकड्ढेय्य वा निकड्ढापेय्य वा पाचित्तियं ॥ (168)

११४. या पन भिक्षुनी संधिके विहारे उपरिवेहासकुटिया आहच्च-पादकं मंचं वा पीठं वा अभिनिसीदेय्य अभिनिपज्जेय्य वा, पाचित्तियं ॥ (169)

११५. महल्लकं पन भिक्षुनिया विहारं कारयमानाय योव द्वारकोसा अगलट्ठपनाय आलोकसंधिपरिकम्माय द्वित्तिच्छदनस्स परियायं अप्पहरिते ठिताय अधिट्ठातब्ब । ततो चे उत्तरिं अप्पहरिते पि ठिता अधिट्ठेय्य, पाचित्तियं ॥ (170)

११६. या पन भिक्खुनी जानं सप्पाणकं उदकं तिणं वा मत्तिकं वा  
सिञ्चेय्य वा सिंचापेय्य वा, पाचित्तियं ॥ (171)

[ भूतगामवग्गो एकादसमो । ]

११७. अगिलानाय भिक्खुनिया एको आवसथपिण्डो भुंजितब्बो ।  
ततो चे उत्तरिं भुंजेय्य, पाचित्तियं ॥ (172)

११८. गणभोजने अञ्जत्र समया, पाचित्तियं । तत्था'यं समयो—  
गिलानसमयो चीवरदानसमयो चीवरकारसमयो अद्धानगमनसमयो नावाभिरू-  
हनसमयो महासमयो समणभत्तसमयो, अयं तत्थ समयो ॥ (173)

११९. भिक्खुनिं पने'व कुलं उपगतं पूवेहि वा मन्थेहि वा अभिहट्ठं  
पवारेय्य, आकंखमानाय भिक्खुनिया द्वत्तिपत्तपूरं पटिग्गहेतब्बा । ततो चे उत्तरिं  
पटिग्गहेय्य, पाचित्तियं ॥ द्वत्तिपत्तपूरे पटिग्गहेत्वा ततो नीहरित्वा भिक्खुनीहि  
सद्धिं संविभजितब्बं, अयं तत्थ सामीची ॥ (174)

१२०. या पन भिक्खुनी विकाले खादानियं वा भोजनियं वा खादेय्य  
वा भुंजेय्य वा पाचित्तियं ॥ (175)

१२१. या पन भिक्खुनी संनिधिकारकं खादानियं वा भोजनियं वा  
खादेय्य वा भुंजेय्य वा, पाचित्तियं ॥ (176)

१२२. या पन भिक्खुनी अदिन्नं मुखद्वारं आहारं आहरेय्य, अञ्जत्र  
मुखदन्तपोना, पाचित्तियं ॥ (177)

१२३. या पन भिक्खुनी भिक्खुनिं एवं वदेय्य—एह'य्ये गामं वा निगमं  
वा पिण्डाय पविसिस्सामा'ति तस्सा दापेत्वा वा अदापेत्वा वा उय्योजेय्य—  
गच्छ'य्ये न मे तया सद्धिं कथा वा निसज्जा वा फासु होति एतदेव पच्चयं  
करित्वा अनञ्जं, पाचित्तियं ॥ (178)

१२४. या पन भिक्खुनी सभोजने कुले अनुपखज्ज निसज्जं कप्पेय्य  
पाचित्तियं ॥ (179)

१२५. या पन भिक्खुनी पुरिसेन सद्धिं रहो पटिच्छन्ने आसने निसज्जं  
कप्पेय्य पाचित्तियं ॥ (180)

१२६. या पन भिक्षुनी पुरिसेन साद्धिं एकेने'का रहो निसज्जं कप्पेय्य पाचित्तियं ॥ (181)

[ भोजनवग्गो द्वादसमो । ]

१२७. या पन भिक्षुनी निमन्तिता सभत्ता समाना सन्ति भिक्षुनिं अनापुच्छा पुरेभत्तं वा पच्छाभत्तं वा कुलेसु चारित्तं आपज्जेय्य अज्जत्र समया, पाचित्तियं । तत्था'यं समयो—चीवरदानसमयो चीवरकारसमयो—अयं तत्थ समयो ॥ (182)

१२८. अगिलानाय भिक्षुनिय चातुमासप्पच्चयपवारणा सादितब्बा अज्जत्र पुन पवारणाय अज्जत्र निच्चपवारणाय, ततो उत्तरिं सादियेय्य, पाचित्तियं ॥ (183)

१२९. या पन भिक्षुनी उय्युत्तं सेनं दस्सनाय गच्छेय्य, अज्जत्र तथारूपपच्चया, पाचित्तियं ॥ (184)

१३०. सिया च तस्सा भिक्षुनिय कोचिदेव पच्चयो सेनं गमनाय द्विरत्तातिरत्तं ताय भिक्षुनिय सेनाय वसितब्बं, ततो चे उत्तरिं वसेय्य, पाचित्तियं ॥ (185)

१३१. द्विरत्तातिरत्तं च भिक्षुनी सेनाय वसमाना उय्योधिकं वा बलगं वा सेनाब्बहं वा अर्नाकदस्सनं वा गच्छेय्य, पाचित्तियं ॥ (186)

१३२. सुरामेरयपाने पाचित्तियं ॥ (187)

१३३. अंगुलिपतोदके पाचित्तियं ॥ (188)

१३४. उदके हस्सधम्मं पाचित्तियं ॥ (189)

१३५. अनादरिये पाचित्तियं ॥ (190)

१३६. या पन भिक्षुनी भिक्षुनिं भिंसापेय्य, पाचित्तियं ॥ (191)

[ चारित्तवग्गो तेरसमो । ]

१३७. या पन भिक्षुनी अगिलाना विसिब्बनापेक्खा जोतिं समादहेय्य वा समादहापेय्य वा अज्जत्र तथारूपपच्चया, पाचित्तियं ॥ (192)

१३८. या पन भिक्षुनी ओरेन'द्धमासं नहायेय्य अज्जत्र समया पाचित्तियं । तत्था'यं समयो—दियड्ढो मासो सेसो गिम्हानं वस्सानस्स पठमो मासो इच्चे'ते अड्ढतेय्यमासा उण्हसमयो परिळाहसमयो गिलानसमयो कम्म-समयो अद्धानगमनसमयो वातवुट्ठिसमयो—अयं तत्थ समयो ॥ (193)

१३९. नवं पन भिक्खुनिया चीवरलाभाय तिण्णं दुब्बण्णकरणानं अञ्जतरं दुब्बण्णकरणं आदातब्बं, नीलं वा कट्ठं वा कालसामं वा अनादा चे भिक्खुनी तिञ्चं दुब्बण्णकरणानं अञ्जतरं दुब्बण्णकरणं नवं चीवरं परिभुंजेय्य, पाचिच्चियं ॥ (194)

१४०. या पन भिक्खुनी भिक्खुस्स वा भिक्खुनिया वा सिक्खमानाय वा सामणेरस्स वा सामणेरिया वा सामं चीवरं विकप्पेत्वा अपच्चुद्धारकं परिभुंजेय्य, पाचिच्चियं ॥ (195)

१४१. या पन भिक्खुनी भिक्खुनिया पत्तं वा चीवरं वा निसीदनं वा सूचिधरं वा कायबन्धनं वा अपनिधेय्य वा अपनिधापेय्य वा अन्तमसो हस्सा पेक्खा पि, पाचिच्चियं ॥ (196)

१४२. या पन भिक्खुनी संचिच्च पाणं जीविता वोरोपेय्य, पाचिच्चियं ॥ (197)

१४३. या पन भिक्खुनी जानं सप्पाणकं उदकं परिभुंजेय्य, पाचिच्चियं ॥ (198)

१४४. या पन भिक्खुनी जानं यथाधम्मं निहताधिकरणं पुनकम्माय उक्कोट्टेय्य, पाचिच्चियं ॥ (199)

१४५. या पन भिक्खुनी जानं थेय्यसत्थेन संविधाय एकद्धानमगं पटिपज्जेय्य अन्तमसो गामंतरे पि, पाचिच्चियं ॥ (200)

१४६. या पन भिक्खुनी एवं वदेय्य—तथा'हं भगवता धम्मं देसितं आजानामि यथा—ये'मे अन्तरायिका धम्मा अन्तरायिका वुत्ता भगवता ते परिसेवतो नालं अन्तराया'ति, सा भिक्खुनी भिक्खुनीहि एवमस्स वचनीया—मा'य्ये एवं अवच, मा भगवन्तं अब्भाचिक्खि, नहि साधु भगवतो अब्भवस्वानं, नहि भगवा एवं वदेय्य, अनेकपरियायेन अय्ये अन्तरायिका धम्मा अन्तरायिका वुत्ता भगवता, अलं च पन ते परिसेवतो अन्तराया'ति । एवं च सा भिक्खुनी भिक्खुनीहि वुच्चमाना तत्थेव पग्गणहेय्य, सा भिक्खुनी भिक्खुनीहि यावततियं समनुभासितब्बा तस्स पटिनिस्सग्गाय, यावततियं च समनुभासियमाना तं पटिनिस्सज्जेय्य इच्चेतं कुसलं, नोचे पटिनिस्सज्जेय्य, पाचिच्चियं ॥ (201)

[ जोतिवग्गो चतुद्दसमो । ]

BOS—No. I पातिमोक्ख 7 ]

१४७. या पन भिक्षुनी जानं तथावादिनया भिक्षुनिया अकतानु-  
धम्माय तं दिट्ठिं अप्पाटिनिस्सट्ठाय सद्धिं संभुंजेय्य वा संवसेय्य वा सह वा सेय्यं  
कप्पेय्य, पाचित्तियं ॥ (202)

१४८. समणुद्देसा पि चे एवं वदेय्य—तथा'हं भगवता धम्मं देसितं  
आजानामि यथा ये'मे अन्तरायिका धम्मा अन्तरायिका वुत्ता भगवता ते पटि-  
सेवतो नालं अन्तराया'ति । सा समणुद्देसा भिक्षुनीहि एवमस्स वचनीया-  
मा'य्ये समणुद्देसे एवं अवच, मा भगवन्तं अब्भाचिक्खि, नहि साधु भगवतो  
अब्भक्खानं, नहि भगवा एवं वदेय्य, अनेकपरियायेन अय्ये समणुद्देसे अन्तरा-  
यिका धम्मा अन्तरायिका वुत्ता भगवता, अलं च पन ते पटिसेवतो अन्तरा-  
या'ति । एवं चे सा समणुद्देसा भिक्षुनीहि वुच्चमाना तत्थेव पग्गणहेय्य,  
सा समणुद्देसा भिक्षुनीहि एवमस्स वचनीया—अज्जतग्गे ते अय्ये समणुद्देसे न  
चेव सो भगवा सत्था अपदिसितब्बो, यं पि च'ज्जा समणुद्देसा लभंति भिक्षु-  
नीहि सद्धिं द्विरत्ततिरत्तं सहसेय्यं सा पि ते नत्थि, चर परे विनस्सा'ति । या पन  
भिक्षुनी जानं तथा नासितं समणुद्देसं उपलापेय्य वा उपट्ठापेय्य वा संभुंजेय्य  
वा सह वा सेय्यं कप्पेय्य, पाचित्तियं ॥ (203)

१४९. या पन भिक्षुनी भिक्षुनीहि सहधम्मिकं वुच्चमाना एवं  
वदेय्य—न तावा'हं अय्ये एतस्मिं सिक्खापदे सिक्खिस्सामि याव न अज्जं भिक्षुनिं  
व्यत्तं विनयधरं परिपुच्छामी'ति, पाचित्तियं ॥ सिक्खमानाय भिक्षवे भिक्षु-  
निया अज्जातब्बं परिपुच्छितब्बं परिपज्झितब्बं, अयं तत्थ सामीची ॥ (204)

१५०. या पन भिक्षुनी पातिमोक्खे उद्दिस्समाने एवं वदेय्य—किं  
पनेहि खुद्धानुखुद्दकेहि सिक्खापदेहि उद्दिट्ठेहि यावदेव कुक्कुच्चाय विहेसाय  
विलेखाय संवत्तन्ती'ति सिक्खापदविषण्णनके पाचित्तियं । (205)

१५१. या पन भिक्षुनी अन्वद्धमासं पातिमोक्खे उद्दिस्समाने एवं  
वदेय्य—इद्वानेव खो अहं आजानामि अयं पि किर धम्मो सुत्तागतो सुत्तपरिया-  
पन्नो अन्वद्धमासं उद्देसमागच्छती'ति । तं चे भिक्षुनिं अज्जा भिक्षुनियो  
जानेय्युं निसिन्नपुब्बं इमाय भिक्षुनिया द्वित्तिक्खत्तुं पातिमोक्खे उद्दिस्समाने, को  
पन वादो भिय्यो'ति । नच तस्स भिक्षुनिया अज्जाणकेन मुत्ति आत्थि,  
यं च तत्थ आपत्तिं आपन्ना तत्थ यथाधम्मा कारेतब्बा । उत्तरिं च'स्सा मोहो  
आरोपेतब्बो । तस्सा ते अय्ये अलाभा, तस्सा ते दुट्ठल्लं, यं त्वं पातिमोक्खे उद्दि-

स्समाने न साधुकं अट्टिकत्वा मनासे करेसी'ति, इदं तस्मि मोहनके पाचित्तियं ॥ (206)

१५२. या पन भिक्खुनी भिक्खुनिया कुपिता अनत्तमना पहारं ददेय्य, पाचित्तियं ॥ (207)

१५३. या पन भिक्खुनी भिक्खुनिया कुपिता अनत्तमना तलसत्तिकं उग्गिरेय्य, पाचित्तियं ॥ (208)

१५४. या पन भिक्खुनी भिक्खुनिं अमूलकेन संघादिसेसेन अनुद्धंसेय्य, पाचित्तियं ॥ (209)

१५५. या पन भिक्खुनी भिक्खुनिया संचिच्च उपदहेय्य, इति'स्स मुहुत्तं पि अफासु भविस्सती'ति एतदेव पच्चयं करित्वा अनञ्जं, पाचित्तियं ॥ (210)

१५६. या पन भिक्खुनी भिक्खुनीनं भण्डनजातानं कलहजातानं विवादजातानं उपस्सुतिं तिठेय्य—यं इमा भणिस्सति तं सोस्सामी'ति एतदेव पच्चयं करित्वा अनञ्जं, पाचित्तियं ॥ (211)

### [ विट्ठिवग्गो पण्णरसमो । ]

१५७. या पन भिक्खुनी धम्मिकानं कम्मानं छन्दं दत्वा पच्छा खीयनधम्मं आपज्जेय्य, पाचित्तियं ॥ (212)

१५८. या पन भिक्खुनी संघे विनिच्छयकथाय वत्तमानाय छंदं अदत्वा उट्ठाया'सना पक्कमेय्य, पाचित्तियं ॥ (213)

१५९. या पन भिक्खुनी समग्गेन संघेन चीवरं दत्वा पच्छा खीयनधम्मं आपज्जेय्य—यथासंथतं भिक्खुनियो संधिकं लाभं परिणामेन्ती'ति, पाचित्तियं ॥ (214)

१६०. या पन भिक्खुनी जानं संधिकं लाभं परिणतं पुगलस्स परिणामेय्य पाचित्तियं ॥ (215)

१६१. या पन भिक्खुनी रतनं वा रतनसम्मतं वा अञ्जत्र अज्झारामा वा अज्झावसथा वा उग्गणहेय्य वा उग्गणहापेय्य वा, पाचित्तियं ॥ रतनं वा पन भिक्खुनिया रतनसंमतं वा अज्झारामे वा अज्झावसथे वा उग्गहेत्वा वा उग्गणहापेत्वा वा निक्खिपितब्बं—यस्स भविस्सति सो हरिस्सती'ति, अयं तत्थ सामीची ॥ (216)

१६२. या पन भिक्खुनी अट्ठिमं वा द्रन्तमयं वा विसाणमयं वा सूचिधरं कारापेय्य, भेदनकं पाचित्तियं ॥ (217)



१६३. नवं पन भिक्षुनिया मंचं वा पीठं वा कारयमानाय अटुंगुलपादकं कारेतब्बं सुगतांगुलेन अञ्जत्र हेट्ठिमाय अटनिया, तं अतिक्रामेन्तिया छेदनकं पाचित्तियं ॥ (२१८)

१६४. या पन भिक्षुनी मंचं वा पीठं वा तूलोनद्धं कारापेय्य, उद्दाल्लनकं पाचित्तियं ॥ (२१९)

१६५. कण्डुपटिच्छादिं पन भिक्षुनिया कारयमानाय पमाणिका कारेतब्बा । तत्रिदं पमाणं—दीघसो चतस्सो विदत्थियो सुगतविदत्थिया, तिरियं द्वे विदत्थियो, तं अतिक्रामेन्तिया छेदनकं पाचित्तियं ॥ (२२०)

१६६. या पन भिक्षुनी सुगतस्स सुगतचीवरप्पमाणं चीवरं कागपेय्य अतिरेकं वा, छेदनकं पाचित्तियं ॥ तत्रिदं सुगतस्स सुगतचीवरप्पमाणं—दीघसो नवविदत्थियो सुगतविदत्थिया, तिरियं छ विदत्थिया, इदं सुगतस्स सुगतचीवरप्पमाणं ॥ (२२१)

[ धम्मिकवग्गो सोळसमो । ]

उद्दिट्ठा खो अय्यायो छसट्टिसता पाचित्तिया धम्मा । तत्थ'य्यायो पुच्छामि—कच्चित्थ परिसुद्धा ? इतियं पि पुच्छामि—कच्चित्थ परिसुद्धा ? ततियं पि पुच्छामि—कच्चित्थ परिसुद्धा ? परिसुद्धे'त्थ'य्यायो, तस्मा तुण्ही एवमेत धारयामी'ति ॥

छसट्टिसता पाचित्तिया निट्ठिता ॥

[ V पाटिदेसनिया धम्मा । २२२-२२९ ]

इमे खो पनय्यायो अट्ट पाटिदेसनिया धम्मा उद्देसं आगच्छन्ति—

१. या पन भिक्षुनी अगिलाना सर्पिं विञ्जापेत्वा भुञ्जेय्य, पटिदेसेतब्बं ताय भिक्षुनिया—गारय्हं अय्ये धम्मं आपज्जिं असप्पायं पाटिदेसनियं, तं पटिदेसेमी'ति । (२२२)

२. या पन भिक्षुनी अगिलाना दधिं विञ्जापेत्वा भुञ्जेय्य, पटिदेसेतब्बं ताय भिक्षुनिया—गारय्हं अय्ये धम्मं आपज्जिं असप्पायं पाटिदेसनीयं, तं पटिदेसेमी'ति । (२२३)

३. या पन भिक्षुनी अगिलाना तेलं विञ्जापेत्वा भुञ्जेय्य, पटिदेसेतब्बं ताय भिक्षुनिया—गारय्हं अय्ये धम्मं आपज्जिं असप्पायं पाटिदेसनियं, तं पटिदेसेमी'ति । (२२४)

४. या पन भिक्खुनी अगिलाना मधु विञ्जापेत्वा भुंजेय्य पटिदेसेतब्बं  
ताय भिक्खुनिया-गारय्हं अय्ये धम्मं आपज्जि, असप्पायं पाटिदेसनियं तं  
पटिदेसेमी'ति ॥ (225)

५. या पन भिक्खुनी अगिलाना नवनीतं विञ्जापेत्वा भुंजेय्य, पटिदे-  
सेतब्बं ताय भिक्खुनिया-गारय्हं अय्ये धम्मं आपज्जि असप्पायं पाटिदेसनियं  
तं पटिदेसेमी'ति ॥ (226)

६. या पन भिक्खुनी अगिलाना मच्छं विञ्जापेत्वा भुंजेय्य, पटिदेसे-  
तब्बं ताय भिक्खुनिया-गारय्हं अय्ये धम्मं आपज्जि असप्पायं पाटिदेसनियं, तं  
पटिदेसेमी'ति ॥ (227)

७. या पन भिक्खुनी अगिलाना मंसं विञ्जापेत्वा भुंजेय्य, पटिदेसे-  
तब्बं ताय भिक्खुनिया-गारय्हं अय्ये धम्मं आपज्जि असप्पायं पाटिदेसनियं, तं  
पटिदेसेमी'ति ॥ (228)

८. या पन भिक्खुनी अगिलाना खीरं विञ्जापेत्वा भुंजेय्य पटिदेसेतब्बं  
ताय भिक्खुनिया-गारय्हं अय्ये धम्मं आपज्जि असप्पायं पाटिदेसनियं, तं पटि-  
देसेमी'ति ॥ (229)

उद्दिट्ठा खो अय्यायो अट्ठ पाटिदेसनिया धम्मा, तत्थ'य्यायो पुच्छामि-  
कच्चित्थ परिसुद्धा ? इतियं पि पुच्छामि—कच्चित्थ परिसुद्धा ? ततियं पि  
पुच्छामि—कच्चित्थ परिसुद्धा ? परिसुद्धे'त्थ'य्यायो, तस्मा तुण्ही एवमेतं  
धारयामी'ति ॥

पाटिदेसनिया निट्ठिता ॥

[ VI सेखिया धम्मा । 230-304 ]

इमे खो पनय्यायो सेखिया धम्मा उद्देसं आगच्छन्ति—

१. परिमण्डलं निवासेस्सामी'ति सिक्खा करणीया । ( 230 )

२-७५=भिक्खुपातिमोक्ख (147—220 ) (231-304)

उद्दिट्ठा खो अय्यायो सेखिया धम्मा, तत्थ'य्यायो पुच्छामि—कच्चित्थ  
परिसुद्धा ? इतियं पि पुच्छामि—कच्चित्थ परिसुद्धा ? ततियं पि पुच्छामि—  
कच्चित्थ परिसुद्धा ? परिसुद्धे'त्थ'य्यायो, तस्मा तुण्ही एवमेतं धारयामी'ति ॥

सेखिया निट्ठिता ॥

[ VII अधिकरणसमथा धम्मा । 305-311 ]

इमे खो पनय्यायो सत्ताधिकरणसमथा धम्मा उद्देसं आगच्छन्ति—

उपन्नप्पन्नानं अधिकरणानं समथाय वृणसमाय संमुखविनयो (305) दातब्बो, सतिविनयो (306) दातब्बो, अमूळहविनयो (307) दातब्बो, पटिञ्जाय (308) कारेतब्बं, येभुय्यसिका (309), तस्स पापिय्यसिका (310), तिणवत्थारको (311)'ति ।

उद्दिट्ठो खो अय्यायो सत्त अधिकरणसमथा धम्मा, तत्थ'य्यायो पुच्छामि-  
कच्चित्थ परिसुद्धा ? दुतियं पि पुच्छामि कच्चित्थ परिसुद्धा ? ततियं पि  
पुच्छामि कच्चित्थ परिसुद्धा ? परिसुद्धे'त्थ'य्यायो, तस्मा तुण्ही एवमेतं धार-  
यामी'ति ।

अधिकरणसमथा निट्ठिता ।

उद्दिट्ठं खो अय्यायो निदानं, उद्दिट्ठा अट्ठ पाराजिका धम्मा (1),  
उद्दिट्ठा सत्तरस संघादिसेसा धम्मा (2), उद्दिट्ठा तिस निस्सगिया पाचित्तिया  
धम्मा (3), उद्दिट्ठा छसट्ठिसता पाचित्तिया धम्मा (4), उद्दिट्ठा अट्ठ पाटिदेसनिया  
धम्मा (5), उद्दिट्ठा सेखिया धम्मा (6), उद्दिट्ठा सत्त अधिकरणसमथा धम्मा (7),  
एत्तकं तस्स भगवतो सुत्तागतं सुत्तपरियापन्नं अन्वद्धमासं उद्देसं आगच्छति तत्थ  
सब्बाहे'व समग्गाहि संमोदमानाहि अविवदमानाहि सिक्खित्तब्बं' ति ॥

[ वित्थारुद्देसो । ]

भिक्षुनीपातिमोक्खो निट्ठितो ।

## INDEX

[ Arabic figures refer to the continuous English numbers of the Bhikkhupātimokkha ( cited as i. ) and Bhikkhunipātimokkha ( cited as ii. ) ]

अंगुलिपतोदक i 101, ii. 188.  
 अट्टवत्थुका ii. 8.  
 अदिन्नादान i. 2; ii. 2.  
 अधिकरण i. 13, ii. 22.  
 अनियताधम्मा i. 18-19.  
 अन्तरायिका धम्मा i 119, ii. 201.  
 अट्ठमक्खान i. 117; 119; ii 203  
 अट्ठमान p. 5; p. 34.  
 अमूळहविनय i. 223; ii. 307.  
 अवगण्डकारक i. 191.  
 असंकच्छिका ii. 151.  
 इन्द्रक्षालि i. 132.  
 उक्कुटिका i. 170.  
 उक्खित्तानुवत्तिका ii. 7.  
 उज्झानसञ्ज्जी 1. 183.  
 उत्तरिमनुस्सधम्मा i. 157; ii. 4, 159.  
 उपसम्पदा i. 114.  
 उपस्तुति i. 127; ii. 211.  
 उपोसथ p. 1; p. 27.  
 उस्सयवादिता ii. 9.  
 ओक्खित्तचक्खु i. 152 ff.  
 ओमसवाद् i. 51, ii. 153.  
 कठिन i. 20 f; ii. 38 f.  
 कठिनुद्धार ii. 85.  
 कयविक्रय i. 39; ii. 48.  
 कुक्कुच i. 126.  
 कुमारी ii. 126 ff.  
 क्षीयनधम्म i. 130.

गणभोजन i. 81, ii. 118  
 गट्ठिभनी ii. 116.  
 गिहिवेय्यावच्च ii. 99.  
 चातुमासपच्चयवारणा 1. 96; ii. 183.  
 चित्तागार ii. 96.  
 चीवरचेतापनं i. 27 ff; ii. 43 ff.  
 छन्ददान्तं i. 128; ii 212.  
 जिह्वानिच्छारक 1. 194.  
 जीवितवोरोपण i. 110; ii. 197  
 तत्पसत्तिक i. 124.  
 तस्सपापिय्यसिका i. 226; ii. 310.  
 तिणवत्थारक i. 227, ii. 311.  
 तुवट्ठ ii. 86, 87.  
 दुब्बण्णकरण i. 107; ii. 194.  
 नच्चगीतवादित ii. 65.  
 निदानं p. 1; p. 27.  
 निस्सग्गिया पाचित्तिया धम्मा i. 20-49;  
 ii. 26-55.  
 पटिञ्जाकरणं i. 224; ii. 308.  
 पणीतभोजनं i. 88  
 परंपराभोजनं 1. 82  
 परिगण्डल i. 146, 147.  
 पल्लिस्थिका i. 171.  
 पाटिदेसनिया धम्मा i. 142-145;  
 ii. 222-229.  
 पायन्ती ii. 117.  
 पाराजिका धम्मा i. 1-4; ii. 1-8.

- पारिवट्टक i. 24; ii. 74.  
 पुनकम्म i. 112; ii. 199.  
 भिद्योक्कम्यता i. 181.  
 भेसज्जानि i. 42; ii. 50.  
 मानत्त p. 5; p. 34.  
 चेभ्यसिका 1. 225; ii. 309.  
 रूपियसंबोहार 1. 38; ii. 47.  
 लसुन ii. 56  
 वज्जपट्टिच्छादिका ii. 9, 20, 21.  
 वस्सिकसाटिकचीवर i. 43.  
 विनिच्छयकथा 1. 129; ii. 213  
 वेय्याकरण p. 1, p. 27.  
 वेय्यावच्चकर i. 29; ii. 20.  
 सक्कधीतरो ii. 10.  
 संघमेद ii. 22.  
 संघादिसेसा धम्मा i. 5-17; ii. 9-25.  
 सञ्चारित्त i. 9; ii. 15.  
 सतिविनय i. 222; ii. 306.  
 संवाध ii. 57.  
 संमुत्ताविनय i. 221; ii. 305  
 संपज्जानमुत्तावाद p. 2, p. 27, ii. 152.  
 सिवस्त्रापदविवण्णक i. 121; ii. 205.  
 सिंघाटक ii. 69.  
 सित्थावकारक i. 193.  
 सुगतविदित्थि i. 10, 138-141;  
 ii. 221.  
 सुरामेरयपान i. 100; ii. 187.  
 सूचिघर i. 109, 135; ii. 126,  
 ii. 217.  
 सेनासन i. 48, 145.  
 हस्सधम्म i. 102; ii. 189.  
 हत्थनिद्धनक i. 192.

030189

शास्त्रावलि

तिब्बती मन्थान मार्गमाथ

IMPUTED  
SLIM